

PL
LE III

THEOLOGIA
LITURGICA

162

H

37.

BIB. NAZ. NAPOLI

BIBL. NAZ.
VITT. EMAN. III

162

H

37

NAPOLI

71

7

51 -

52

2

ANTIQUISSIMI
VESPERARUM
PASCHALII RITUS
EXPOSITIO
DE SACRO INFERIORIS
ÆTATIS PROCESSU

DOMINICA RESURRECTIONIS CHRISTI
ANTE VESPERAS
IN VATICANA BASILICA USITATO
CONJECTURÆ.


auct. Ph. Laur.
Tironisio



ROMÆ MDCCLXXX.

EX TYPOGRAPHIA MARCI PALEARINI.
SUPERIORUM PERMISSU.





BEATISSIMO PETRO
APOSTOLORUM PRINCIPI

INDIGNUS FAMULUS , ET HUMILLIMUS
PRÆSENTIS OPUSCULI SCRIPTOR .



SUPPLEX, & venera-
bundus, PETRE San-
ctissime , consisto ad Sacram
Confessionem tuam , locum

scilicet , qui tamquam Catho-
 licæ Fidei centrum , arca , pe-
 tra , & Ecclesiæ fundamentum
 suspicitur , ac vel a primis usque
 Reipublicæ Christianæ seculis
 Fidelium huc accedentium fre-
 quentia celebratur . Huc etiam
 cum plurima , atque pretiosa
 dona olim conferrentur , ibi-
 dem & ego munus tamen per-
 exiguum , præsentem nempe
 Lucubrationculam Tibi sistere
 nunc audeo . Hoc etsi perquam
 tenue oblatum , ut confido ,
 non respues , tum quia ad
 exemplum Magistri tui Christi
 Jesu , qui viduam pauperem in
 gazophylacium duo tantum mi-
 nu-

nuta immittentem laudavit, potius affectum offerentis, quam rei oblatae magnum pretium consideras, tum etiam quia opusculum, quod Tibi dedico, ad peculiarem attinet sacram Functionem, quæ in Augusta Vaticana Basilica Deo Optimo Maximo in honorem Tuum erecta annis singulis habetur. Quod autem a Te vehementer obsecro, id sane est patrocinium tuum. Finem enim dierum meorum in hac mortali vita prope jam aspicio; quodve Tu Dei revelatione admonitus, de Te dixisti (1) VELOX EST DE-

(1) Epist. 2. cap. 1. vers. 13.

POSITIO TABERNACULI MEI, id ipsum & ego usurpare de me possum, non quidem pari instructus revelatione, qua certe sum indignus, sed meæ provectæ ætatis, ac infirmæ valetudinis conscius. Evangelium Christi Redemptoris, quod diffeminasti, & ejus prædicationem glorioso Martyrio perfecisti, bonum nuntium est de coelestis Regni æternis deliciis, & gaudiis post hujus seculi ærumnas possidendis. Veram hanc, summamque beatitudinem, Jesu Christi meritis obtinendam percupio, & in eam Fide, ac Spe feror: num ve-

ro ea charitate , quæ ad illius
 perpetuæ felicitatis affecutio-
 nem omnino requiritur , sim
 affectus, me profecto latet. Quæ
 perpetravi , & quotidie com-
 mitto peccata, ante oculos meos
 versantur , adeo ut spes illa , etsi
 certa mihi sit quatenus innixa
 tum Divinæ omnipotentia , cui
 resistere nullus valet , tum bo-
 nitati , qua Pater proprio Filio
 non pepercit , sed pro nobis
 omnibus tradidit illum ; non
 est vacua & expers timore , dum
 meas frequentes culpas animad-
 verto , ob quas vereor , ne Deus
 ad iracundiam provocatus me
 derelinquat . Ut maximum hoc

malum procul sit, confugio ad Te Apostolorum Princeps, ligandorum, & solvendorum arbiter, cujus judiciorum definitio etiam in cœlis manet: tutelam tuam, Regni æterni Claviger, humiliter imploro, ut tuis intercedentibus meritis, ab immensa Dei misericordia veniam peccatorum meorum obtineam, qui iram mereor; sicque maculis purgatus, ex terrena hac peregrinatione ad patriam, quæ est cœlestis Jerusalem pervenire valeam. Spem meam augeat, quod S. Leo Magnus in Cathedra Tua dignus plane successor, de tuo, & consortis tui

Pau-

Pauli erga nos patrocínio affe-
 rit verbis hujusmodi (1): „ Si-
 „ cut & nos experti sumus , &
 „ nostri probavere majores, cre-
 „ dimus , inter omnes labores
 „ istius vitæ , ad obtinendam
 „ misericordiam Dei , semper
 „ nos specialium patronorum
 „ orationibus adjuvandos ; ut
 „ quantum propriis peccatis de-
 „ primimur , tantum Apostoli-
 „ cis meritis erigamur . „ Tu
 fane in coelis regnans , ibi tan-
 tam de Ecclesia Militante cu-
 ram habes , ut in ea Cathedra,
 quam in Terris tenebas ; ha-
 cte-

(1) In fine sermon. de SS. Apostol. Petro & Paulo.

ctenus federe , in ipsa Ecclesia
perpetuo vivere , ejusque cla-
vum tractare , & gubernacula
numquam reliquisse videaris .
Id profecto Successores tui per-
suasum habebant , dum se Tua
vice fungi protestabantur (1), se-
que Vicarios tuos appellabant. (2)
Id ipsum cum intime perno-
scat Antistes Maximus PIUS
S E X T U S Christiani Orbis
Moderator , non in Cleris do-
minans , sed humanitatis , alia-
rumque virtutum , ac religionis
po-

(1) Idem S. Leo Magnus serm. 2. in anniver-
sario die assumptionis suæ ad Pontificatum .

(2) S. Symmachus epist. 3. , & 10. S. Nico-
laus I. epist. ad Michaelen Imperatorem , alii-
que plures .

potissimum nitore præfulgens,
 mentis sublimitate ac amplitu-
 dine, atque in rebus gerendis
 alacritate simul, & prudentia
 admodum conspicuus; ad Tuos
 sacros cineres pietate plane sin-
 gulari frequentissime accedit,
 fervidis precibus pro Ecclesia
 sibi commissa Te Patronum ob-
 secrans: & quod admirabili tuæ
 Basilicæ deerat Sacrarium, hoc
 ipse excelsi animi Princeps præ-
 nobile, & sumptuosum a fun-
 damentis ædificavit. Succes-
 sorem hunc tuum **PIUM**
SEXTUM Tibi specialiter de-
 votum Tuo patrocínio adjuva,
 ac fospitem & incolumem ser-

va, ut quæ ad Ecclesiæ universæ, & Apostolicæ Sedis spirituale ac temporale commodum solícite molitur, prospere compleat. Te demum precatore, domestica Familia tua, augusti scilicet Templi tui servitio addicta; religionis, pietatis, aliarumque virtutum splendore eniteat, ac istarum odor precibus, & laudibus divinis conjunctus ad supremum cœlestē thronum gratiæ ascendat, peculiarem ipsius templi sanctitatem exornet, atque eo confluentes Christifideles ad devotionem alliciat. Vota hæc mea, Deus Omnipotens, ac summe
mi.

misericors tuis precibus, PETRE
 beatissime, prosequatur: ac in-
 terim locum glorioso sepul-
 chro, ubi corpore quiescis, con-
 secratum, pronus veneror, atque
 submissus deosculor.



LECTORI MONITUM.

LURES quidem processiones in Dominica Resurrectionis Salvatoris Nostri Jesu Christi Anniversaria prisci Rituales libri exhibent. Ex his unam tantummodo in præsentī Lucubratiuncula paucis tractandam suscepi, eam scilicet, quæ ad ejusdem Dominicæ vesp̄as celebrabatur singulari plane ritu, & cujus partes ac reliquæ in aliquot Ecclesiis hodie etiam supersunt. Pervetus sacra functio juxta primævum institutum non modo in Dominica, sed etiam per totam Paschatis hebdomadam ad vesp̄as habebatur eadem sane forma, mutatis tantum orationibus, antiphonis, & versibus, quos inter aliqui erant Græca lingua concinendi. Ea perlegere si quis cupiat, facile reperiet edita partim a Venerab. Card. Thomasio in Orationale pag. 16. & seq. primæ editionis, partim in Appendice Primo Ordini Romano a Mabillonio adjuncta, & apud Rituale Romanum, quod jussu Pontificis Gregorii XIII. a Julio Antonio Sanctorio Casertano S. R. E. Episcopo Cardinali

Præ-

Prænestino Sanctæ Severinæ nuncupato, adhibitis etiam aliis ad hoc opus conficiendum præstantissimis viris, compositum fuit, ac Romæ typis mandatum. Hæc, autem omit-
tenda existimavi, quia vetustus Ritualis Co-
dex exeunte duodecimo Ecclesiæ sæculo ad
usum Canonorum Vaticanæ Sancti PETRI
Basilicæ conscriptus, in solemnî Resurrectio-
nis Christi Dominica Vespertinum Officium
cum processione tum ad ejusdem Beati PE-
TRI aram principem, tum ad Sanctam Cru-
cem, tum ad sacri baptisterii Fontes, &
cum peculiaribus antiphonis, versibus, re-
sponsoriis, ac precibus, quæ adsignat, ce-
lebrandum quidem indicit; de iisdem vero
ad vespertas per sex dies prædictam Domi-
nicam sequentes canendis, uti etiam de pro-
cessionibus ad Sanctam Crucem, & ad Sa-
crum baptisterium per sex illos dies habendis omnino fileat.

In præsentis Opusculi *cap. i. pag. ii.*
cum scribo, vespertinam processionem die
Dominica solemnitati Resurrectionis Jesu
Christi sacra, nullibi Romæ, nisi in Au-
gusto Principis Apostolorum Templo hodie
ce-

celebrari ; id intelligo de Cleri sæcularis tantummodo Ecclesiis in Urbe existentibus , in quibus, quod sciam, ejusmodi processio minime agitur . Ad regularem vero Clerum, quod attinet , in ecclesiis Fratrum Ordinis Prædicatorum eam tum Romæ , tum alibi non solum anniversariâ Resurrectionis Christi Dominicâ , sed etiam duobus proximè sequentibus diebus religiose post vesperas fieri constat .

In ejusdem Opusculi *pag. xv. vers. 21.* legitur , *Notario Vicedomino* , sicuti ex codicibus a Mabillonio in Appendice ad I. Ordinem Romanum , & a Venerab. Cardin. Thomasio in Appendice ad Responsoriale , & Antiphonarium Romanæ Ecclesiæ habetur *pag. 389.* At amanuensium oscitantia factum esse crediderim , ut *Vicedomino* pro *Vicedomini* , exaratum fuerit . Profecto ipse Thomasius , qui in textu posuit *Vicedomino* , ad inam ejusdem *paginae 389.* oram scite adnotavit , *Vicedomini* : quam ego lectionem ex Hittorpio retinui *pag. ix.* præsentis lucubratiunculæ .

In hac ipsa opella *pag. xv. vers. ult. & pag. xvi. v. 1.* locus Romani Ordinis a Mabillonio

Ionio evulgati habet : *Presbyteri , & omnes Diaconi , seu Subdiaconi , vel omnes Acolythi per singulos Titulos redeunt &c.* : Ubi notandum est , particulas *Vel , & Seu* intelligendas esse non disunctive , sed conjunctive , idest copulative . Has enim , lingua latina a Barbaris depravata , pro particula *Et* usurparunt plures , qui octavo præsertim , ac nono Ecclesiæ seculo Scriptores vixerunt ; ut exemplis instruimur occurrentibus apud Anastasium Bibliothecarium in S. Symmacho num. 5. , in S. Martino num. 5. , aliisque multis in locis ab eruditissimo Joanne Vignolio in Indice tomi 1. ad eundem Anastasium , quem is edidit , *verb. Vel* adnotatis .



A P P R O B A T I O .

Opus de Ritu Basilicæ Vaticanæ a Reverendissimo Patre Sac. Pal. Apostolici Magistro mihi opportune expendendum committitur, qui ejusdem famulatu additus sim, ac Nutritorem habeam Divum Petrum Apostolorum Principem, in cujus honorem Deo Optimo Maximo dicata est splendidissima totius Orbis Basilica. Perquam apte quinetiam Sacri Ritus in ea celebrati Ratio, & modus omnis illustratur nunc ab eo, qui illam longa, & diligenti coluit servitute. Titulus, qui sic se habet: *Antiquissimi Vesperarum Paschaliū Ritus expositio, de sacro inferioris ætatis processu Dominica Resurrectionis Christi ante Vesperas in Vaticana Basilica usitato conjectura* satis argumenti dignitatem, ac objectum patefacit. Reiiciens quidem eruditus Auctor nonnullorum sententiam, qui laudatum Processum ad Sanctas Mulieres Christi sepulcrum adeuntes referre se posse putarunt, suam dein exerit, quæ in eo est, ut Vestigium potius, ac reliquias in hac processus cærimonia deprehenderit Vetustissimi Ritus, quo solemnes vespere Paschales auspicari consueverant. Pietate ipsa, & sacra eruditione opus ab initio ad calcem commendatur, & augustissimæ Basilicæ novum decus comparat, ut edendum quam citissime, si ii ad quos spectat, libuerit, pro meo iudicio existimem.

Datum Romæ idibus Februarii anno MDCCCLXXX.

*Philippus de Valentibus Basilicæ Vaticanæ
Canonicus, ejusdemque Tabulario Præfectus.*

AP.

A P P R O B A T I O.

M Andante Reverendissimo Patre S. P. A. Magistro scriptum perlegi cui titulus : *Vesperarum Paschaliū Ritus Expositio* : Quo in opere nihil reperi , quod fidei aut morum regulis repugnet . Sed potius plura , perspexi , quæ tum cl. Scriptoris in sacri veteris ritus origine , & significatione illustranda pium , & eruditum studium , tum Cleri Vaticanæ Basilicæ in eo ritu adhuc retinendo laudabilem consuetudinem produunt . Quare dignum censeo , quod publici juris fiat .

Dat. Romæ die 7. Decembris 1779.

*F. Jo. Franciscus Rigo Ord. Præd. & in Collegio
Germanico-Hungarico Sac. Theol. Lect.*

(XXII)

I M P R I M A T U R,

Si videbitur R^mo Patri Sacri Palatii Apostolici
Magistro .

*F. A. Marcucci Episc. Montis-Alti
Vicesg.*

I M P R I M A T U R,

Fr. Bruno Toma Ord. Præd. Sac. Palatii Apostolici
Magistri Socius .

E R R A T A.

Pag. xxxviii Not. 2. *ex orta*
LXI Lin. 12. *esse*

C O R R I G E.

exorta
has

OR-

(XXIII)

O R D O

C A P I T U M.

C A P U T I.

Vaticana Basilica veterum Sacrorum Rituum tenax; Vespertinam celebrat Paschalem Processionem, quæ describitur, & perantiquæ supplicationis exigua pars superstes, ac vestigium existimatur. Pag. I.

C A P U T II.

Priscus Vesperarum Paschalium ritus, isque singularis, enarratur. Antiqui testes, qui illum exhibent in Basilica Lateranensi celebratum, adferuntur, & Notis opportunis explicantur. Pag. v.

C A P U T III.

Vespertinus idem Ritus in Vaticana Basilica olim usitatus ostenditur ex veteri monumento. Pag. XXI.

C A P U T IV.

Datus Vaticani Responsorialis, & Antiphonarii locus explicatur. Pag. XXVIII.

C A P U T V.

Idem ritus olim in aliis Occidentalibus Ecclesiis tum in Italia, tum extra ipsam celebris. Pag. XXXIX.
CA-

C A P U T VI.

De Antiquitate ejusdem Ritus . Pag.XLIII.

C A P U T VII.

Causa instituti ejusdem prisci ritus explicatur .
Pag.XLIX.

C A P U T VIII.

Alicubi variationem subit idem ritus , & alibi cessat omnino . Pag.LVII.

C A P U T IX.

Causa referuntur , ob quas vetustissimus Ritus cessaverit . Pag.LXI.

C A P U T X.

Quæ apud Vaticanam Basilicam Clerum nunc habetur Processio Vespertina Paschalis , vetustissimi Ritus hætenus descripti umbra est , ac vestigium , & pars superstes . Pag.LXIX.

C A P U T XI.

Objectionibus nonnullis occurritur . Quo spectat recens Processio Vaticana : quæ in ea sunt religioso animo volvenda . Pag.LXXIX.



CAPUT PRIMUM.

*Vaticana Basilica veterum Sacrorum Rituum tenax ;
Vespertinam celebrat Paschalem Processionem, quæ
describitur, & perantiquæ supplicationis exigua
pars superstes , ac vestigium existimatur .*



AT ICANA Sancti PETRI Basili-
ca , venerandæ antiquitatis tenax
perinde , ac studiosa , complura
servavit majorum instituta , quæ
alibi plane desueverunt . Nam ve-
tustissima Psalmorum versione la-
tina , olim celeberrima , hætenus utitur : Pre-
cum Canoniarum, seu Romani Breviari Hymnos
juxta vetustum rythmum , quales scilicet , ante-
quam ab Urbano VIII. Pont. Max. ad perfectas
metri leges , ac numeros reformarentur , cani , &
perlegi mos erat ; ad hanc usque diem retinet :
Veterum usum dandi Presbyterii non solum An-
tistiti Maximo rem sacram solemniter agenti ,
verum etiam sæculari Urbis Clero in Litanis

majoribus statò ordine ad sacra Beati Petri Limina accedenti, etiamnum quodammodo custodit: ac vetustum sane ritum Ablutionis Altaris Majoris feria quinta (antiquiori ævo, saltem aliquoties, feria sexta) sanctioris Hebdomadæ quotannis religiosè observat; ut nihil hic dicam de Sancta Eucharistia ab iis percipienda, qui obeunt Diaconi, & Subdiaconi munera festis diebus in Sacrorum Mysteriorum actione. Sed nec est cur fileam de Vespertina Processione diei Sancti Paschatis Resurrectionis Domini Nostri Jesu Christi, nullibi Romæ, nisi in Augusto Principis Apostolorum Templo haberi hodie solita. Hoc quidem Cleri Vaticani studium, in conservandas veterum consuetudines laudarunt clari, & sapientes viri Christophorus Battellus, Alexander Mazinellius, ac præter cæteros Petrus Morettus, qui *sect. i. num. 11.* Prologi ad suam de Presbyterio lucubrationem prædicat familiare tam illius Clero Institutum custodiendi tenacissime acceptas a majoribus commendabiles Cæremonias, & consuetudines, tametsi adnotat circa ritum variandi chorale indumentum nostro Seculo aliquantisper a pristina cura remissum. Nec satis duxerunt illam in priscis moribus retinendis firmitatem commendasse, aliqua insuper ex hujusmodi Institutis tractanda susceperè. De vetustissimo enim Psalterio, quo Vaticana utitur Basilica, Marius Alterius paucis præfatus est, deinde Joseph Suarefius plura, quam ille, dixit; ac de-

mum

(III)

num Antonius Martinettus amplam Dissertationem concinnavit . De ritu dandi Presbyterium Morettus , quem nuper memini , copiosum volumen edidit . Ritum vero annuæ Ablutionis Altaris principis in die Coenæ Domini prædictus Battellus explicuit , ac illustravit . Sed & de Claris. Præsule Stephano Borgia hic filere mihi non licet , tum quia is præter volumina eruditissima , quæ jam antea concinnaverat , non ita pridem alia duo , alterum de Vaticana Beati Petri Confessione , alterum de Cruce Vaticana præclaro Justiniani Augusti dono , edidit ; tum etiam quia eidem ob sua in me studij , atque humanitatis complura argumenta plurimum debeo . Hæc autem cogitanti mihi , opportunum fore visum est , de Paschali Vespertina Processione , quam supra innui , peculiare commentariolum scribere . Atque id consilium , licet aliquandiu hæserim , ea potissimum de causa tandem exequutus sum , quia multi quid sacra illa Supplicatio sibi velit , sæpe sciscitantur , plerique sanctas Mulieres ad Christi Domini Sepulcrum , uti Evangelica refert historia , commeantes obtendunt , nonnulli vero quorsus ea fiat , perspectum non habentes , minus congruam existimant . Ac de hujusmodi Processu , quos ante commemoravi Scriptores , Battellus nempe , & Mazzinellius dixerunt quidem , sed obiter tantum , & perpauca , quibus salivam potius movent , quam epulas apparando desiderium explent . Sane illud mihi non arrogo quod

(IV)

lectoribus ista mea opella facturus sim omnino fatis: verumtamen ex eadem lucubratione Ritui de quo agimus, aliquod lumen allatum iri confido.

Hæc autem, quæ apud Clerum Vaticanum nunc obtinet Vespertina Paschalis Processio, ita ordinatur. Antecedunt qui æream Campanulam manualetn, & papilionem deportant, ac duo sequuntur Acolythi, quorum alter thuribulum fumigans, alter aquæ lustralis vas defert. Deinde Crux cum duobus ceroferariis: tum Seminarii Alumni, Clerici Beneficiati, Beneficiati, & Canonici, suo quisque loco, & ordine, bini, ac bini procedunt; atque eorum agmen claudunt sex Beneficiati cantores, & Canonicus hebdomadarius pluvialibus induti. Clerus autem omnis, e Sacratio decedens, per majorem Basilicæ navem ad valvas pergit; indeque egressus, magnificæ areæ, quæ gradus superiores inter ac inferiores patet, dimidiam partem circumit, postea in templum revertitur, & circa altare princeps subsistit; tunc vero Musici, qui in itinere antiphonam *Regina Cœli latare alleluja*, pluries concinuerunt, eandem ultimo repetunt, additoque versiculo, *Surrexit Dominus vere, alleluja: & apparuit Simoni, alleluja*: prædictus hebdomadarius Canonicus recitat orationem diei convenientem: scilicet: *Deus qui hodierna die per Unigenitum tuum &c.* Qua finita, mox Clerus ordinatim ad chorum, accedit vespertinas Dei laudes ibi per-

(V)

perfoluturus . Profecto hujusmodi Processionem vestigium , ac reliquias esse censeo vetustissimi ritus , quo solemnes Vesperæ Paschales celebrabantur , quemve describi oportet , ut hodiernæ origo Processionis ostendatur .

C A P U T I I .

Priscus Vesperarum Paschalium ritus, isque singularis, enarratur . Antiqui Testes , qui illum exhibent in Basilica Lateranensi celebratum , adferuntur , & Notis opportunis explicantur .

Vesperarum Officiū in Dominica Resurrectionis , & sex diebus mox sequentibus adeo peculiare olim fuit , ut distinctis non modo precibus , sed etiam in diversis ejusdem Ecclesiæ locis peragi continuata sacræ functionis serie consueverit , hac quidem ratione , & ordine . Clerus certam illam recitans supplicationis formulam , nempe *Kyrie eleison* , cum proprio Antistite ad sacræ ædis Aram principem accedebat ; ibi autem cantu pronunciatis tum tribus psalmis , nimirum centesimo nono *Dixit Dominus* , centesimo decimo *Confitebor* , & centesimo decimo primo *Beatus vir* , tum *Alleluja* , ac aliis , quæ interponebantur , concisis quibusdam Divinis laudibus , tum Antiphona , & Cantico *Magnificat* , prior vespertini hujus Officii pars oratione quam

(VI)

Collectam dicunt , pro more absolvebatur . Posterior enim pars ita se habebat : Idem Clerus ab altari discedens , sacri Baptisterii fontes continuo adibat , aut locum erecta Cruce sacrum juxta Ecclesiarum varia instituta (alicubi enim prius ad Sanctam Crucem , deinde ad Baptisterium , e contra alibi prius ad sacros Fontes , tum ad sanctam Crucem processus habebatur) & postquam concentus Antiphonarum aliquot. psalmi centesimi duodecimi , *Laudate pueri Dominum* , prædictique Cantici personuerat , huic secundæ Stationi Sacerdos effusa oratione finem imponebat . Perinde tertia quoque Statio , & si qua alia foret alicubi habenda , complebatur : Scilicet ordinata Clericorum acies ex Baptisterio ad locum erecta Cruce sacrum , sive ad aliud templi ejusdem Altare procedebat , & hic psalmum centesimum tertiodecimum *In exitu Israel* , cantari , eique certas Divini Numinis laudes adjungi , solemne fuit ; quamquam hic psalmus post præcedentem *Laudate pueri Dominum* , alicubi in Statione ad sacros Fontes recitaretur . Vespertinum hujusmodi Officium honesta corporis recreatio sequebatur apud Lateranensem Basilicam in secreto loco , ubi jucundus triplicis generis potus sacris ministris propinabatur . En Paschaliū Vesperarum ritus brevi quidem narratione delineatus , sed ad rem nostram satis expressus . Duo quippe considerata in eo sunt : alterum scilicet , in tribus ejusdem templi diversis locis , totidem-

(VII)

tidemque stationibus preces illas vespertinas perfici solitas fuisse, ideoque in hujusmodi Officio tres vespervas Benedictus Vaticanæ Basilicæ Canonicus in Ord. Romano num. 49. aliique agnoscunt; alterum vero, Clericos ad ea loca sese conferre, ac ordinatim procedere consuevisse: ex quo, uti dicebam, mihi videtur repetenda origo vespertinæ solemnis Processionis die sancto Paschatis apud Clerum Vaticanum modo usitatæ. Sed operæ pretium est, ut vetustissimi, quem mox paucis exposui, Ritus vespertini Paschalis congrua testimonia producantur, ipsumque non in Romana tantum Urbe, sed in aliis quoque Cathedralibus Ecclesiis religiose observatum antiquitus fuisse demonstretur.

Inter vetusta monumenta ad sacros Ecclesiæ ritus spectantia magni certe facere debemus Romanum Ordinem, quem anno MDLXI. Georgius Cassander edidit primum, deinde Melchior Hittorpius recudit, ac demum Jo. Mabillonius accuratius evulgavit. Hittorpianus autem Romanus Ordo sic habet, vesperrarum Paschalium ritum exponens: „ Die sancto Paschæ conveniente Scho-
„ la (1) temporius cum Episcopis, & Diaconibus
„ ad Sanctum Joannem in Ecclesia majore ad
„ locum Crucifixi incipiunt *Kyrie eleison*, & ve-
„ niunt usque ad altare ascendentibus Diaconi-
„ bus in pogium (2) Episcopi, & Presbyteri sta-
„ tuunt

A 4

(1) Cantorum Collegio.

(2) Pogii vocabulo cancellos, sive tabulas, quibus sanctuarium a Choro, & Ecclesia discernitur, intelligit Ven. Card. Thomasius in Schol. ad Responsor. & post eum Mabillonius.

(VIII)

„ tuuntur in locis suis , & Schola ante Alta-
„ re . Finito *Kyrie eleison* innuit Archidiaconus
„ primo scholæ , & ille inclinans se illi , inci-
„ piat Alleluja cum psalmo , *Dixit Dominus Do-*
„ *mino meo* . Post hunc innuit secundo scholæ , vel
„ cui voluerit , sed & omnibus incipientibus hoc
„ modo præcipit . Dicitur igitur Alleluja cum
„ psalmo *Confitebor* . Inde salutat primus scho-
„ læ Archidiaconum , & illo innuente , dicit
„ primus scholæ *Alleluja* cum psalmo *Beatus vir* .
„ Quo finito , primus Scholæ cum paraphonistis
„ infantibus incipiat responsorium gradalem , (1)
„ *Hac dies* , cum versu *Confitemini Domino* . Quo
„ finito incipiat primus scholæ cum melodis in-
„ fantibus *Alleluja* , *Pascha nostrum* (2) , & respon-
„ dent paraphonistæ . Sequitur versus , *Epule-*
„ *mur* (3) Inde melodia . Hoc ordine expleto in-
„ cipit Archidiaconus in Evangelio (4) antipho-
„ nam , *Et respicientes* (5) Post hanc dicit Sacer-
„ dos orationem: & descendunt ad fontes (6) cum
„ antiphona , *In die Resurrectionis meæ* (7) Quam
„ ut finierint , dicit primus scholæ *Alleluja* cum
„ psal-

(1) Scilicet Graduale , quod in Missa Resurrectionis Domini vel
hodie recitatur .

(2) Ex vers. 7. cap. 5. epist. 1. ad Corinth.

(3) Ex loco mox cit. v. 8.

(4) Nimirum cantico *Magnificat* , quod sane Evangelium appellatur
quia ex Evangelistæ Lucæ cap. 1. desumptum est .

(5) Marc. cap. 16. versu 4.

(6) Sacri Baptismatis administrationi dicatos .

(7) Ex versu 8. cap. 3. Sophoniæ .

(IX)

„ psalmo , *Laudate pueri Dominum* . Deinde *Alle-*
„ *luja* cum psalmo , *In exitu Israel* . Deinde pri-
„ mus scholæ dicit cum pueris *Alleluja* . *Venite*
„ *exultemus* (1) cum versu *Præoccupemus* . Post
„ hunc sequitur Diaconus , & dicit antiphonam ,
„ *Cito euntes* : (2) deinde sequitur oratio . Tunc
„ vadunt ad Crucem canentes Antiphonam , *Vidi*
„ *aquam* (3) : sive *Christus resurgens a mortuis* (4) :
„ & sequitur oratio . Deinde descendunt prima-
„ tes Ecclesiæ ad accubita , invitante Notario
„ Vicedomini (5) , & bibunt ter de Græco pri-
„ mo , de Pæctisî (6) secundo , de Procovia (7)
„ tertio . Postquam biberint omnes presbyteri ,
„ & acolythi per singulos Titulos redeunt ad fa-
„ „ cien-

(1) Psal. 94.

(2) Matth. cap. 28. v. 7.

(3) Antiphonam scilicet , ut constat ex adducendis infra , quæ ad aquæ lustralis aspersionem canitur Paschalibus Dominicis , & quæ quoad sensum respicit initium capitis 47. Ezechielis : Ubi per aquas e templo emanantes , allegorice , & principaliter Septem Sacramenta , omnia Sancti Spiritus dona , & doctrinam Evangelicam , cæteraque beneficia , quæ ex Solio Divino per Altare , idest Christum , primo in Sion , deinde in universum Orbem effluerunt , defluuntque continuo , significari docent Hieronymus , atque Theodoretus , alijque nonnulli recentiores Interpretes , ut Tirinus in hunc Ezechielis locum observat .

(4) Rom. cap. 6. v. 9.

(5) Vicedominum dicebant Officialem , qui Palatii Pontificii , hospitumque excipiendorum curam gerebat .

(6) Al. Pæctisî .

(7) Alibi *Procoma* . Mabillonius adnotat , Pæctisim , & procoviam , seu Procovium , aut Procomam , loca esse ubi hoc genus vini nascebatur . Πρόκυμα in Græco-Lat. Joannis Crispini Lexico dicitur vinum sponte defluens antequam premantur uvæ .

„ ciendos vesp̄eros . Ipsi enim tantummodo fu-
 „ per psalmos *Alleluja* dicunt , & ante Evange-
 „ lium responsorium gradalem , *Hæc dies* , sine
 „ versu , & *Alleluja* tantum primum : deinde ora-
 „ tionem . Et bibent de dato Presbyteri (1)
 „ Hæc ratio per totam hebdomadam servabi-
 „ tur usque in Dominicam post albas , *Alleluja* &
 „ antiphonis mutatis tantum singulis diebus ,
 „ psalmos vero eosdem canunt.,,

Libellus hic a Cassandro , ac Hittorpio vul-
 gatus , secundæ Stationi , quæ ad Fontes est ,
 psalmum cxii. simul , & cxiii. nimirum , *Lau-*
date pueri Dominum , & *In exitu Israel ex Aegypto*
 assignans ; quamquam Durandum *Rational. Div.*
Off. lib. 6. cap. 89. consentientem habet , tamen
 a Ruperto Abbate Tuitiensi *lib. 8. de Divin. Offic.*
cap. 2. ab Amalario Ord. Antiph. *cap. 52.* & a
 Romano Ordine Mabilloniano, cujus locum pro-
 xime dabo , sane dissonat : hi enim secundæ Sta-
 tioni centesimum duodecimum solummodo psal-
 mum constituunt . Quum vero iidem, & ipse præ-
 laudatus Durandus psalmum cxiii. tertiæ Statio-
 ni , quæ ad Crucem sive ad aliud altare est , una-
 nimiter addicant , suspicari forsitan liceret depra-
 vatum , aut mutilum esse datum ex Hittorpio
 Ro-

(1) Forte hæc sententia intelligi sic posset : Presbyteri, & Acolythi bi-
 bent vinum , aut liquorem alium eis a proprio Titulari presbytero
 dandum ; etsi Moretus de Presbyt. part. 3. sec. 2. num. 5. & 6. Da-
 tum *Presbyteri* interpretatur Presbyterium , quia hoc erat donum , seu
 munus Romani Pontificis , nempe *Supremi Presbyteri* , a quo dictum
Presbyterium .

Romani Ordinis locum , ubi de tertia illa Statione sermo quidem est , at nulla prorsus de CXIII. psalmo ad eam canendo fit mentio . Nihilominus constat , juxta ritum aliquot Ecclesiarum , in una ipsa Statione psalmo CXII. psalmum CXIII. adjungi consuevisse .

Quoad refectionem , quæ vespertinas preces absolutas mox sequebatur , ut ex utroque libello discimus ; hanc inter Pontificias largitiones Presbyterii sæpissime vocabulo designatas Petrus Morettus in sua de *Ritu dandi presbyterium* lucubratione *part. 3. sect. 1. num. 15.* recenset . Meminerit Lector quæ in præcipuis diebus festis post oblatum solemne sacrificium Romanus Pontifex instruebat convivia a Benedicto Canonico in suo Ordine , *num. 23. & 48.* descripta : Meminerit etiam quod Petrus Mallius *cap 2.* , tradit , Vaticanæ Basilicæ Canonicis , qui ad Palliorum Archiepiscopaliū benedictionem sacras vigilias celebraverant , *optimum claretum* , idest optimum vinum optimis aromatibus conditum , ut Maphæus Vegius *lib. 3. Rer. Mirab. Basil. Vatic.* explicat , abundanter exhiberi consuevisse ; & sic perfectis Divinis consolationibus tum consolari corpora incipiebant , ait idem Vegius , decimiquinti Ecclesiæ sæculi Scriptor eximius , cujus tamen ætate illud lætitiæ monumentum jam exoleverat . Non absimilis fuit Vespertina Paschalis refeccio , de qua Benedictus Canonicus paulo ante allegatus , ita *num. 49.* loquitur : *Finitis tribus vespers*

in

(XII)

in Basilica Salvatoris , & ad Fontes , & ad S Crucem , redit Dominus Pontifex in præparatam porticum posito ibi facistorio (al. faldistorio) sedet ipse , & alii Ordines circa eum . Architrclinus autem cum aliis juvenibus ordinate præparat ante Dominum Pontificem potionem , & vinum bibit ipse , & omnes alii bibunt . Interim Cantores surgunt , & cantant hanc sequentiam (1) græcam : Πάσχα ἱερὸν ἡμῖν σήμερον (latine , Pascha sacrum nobis hodie) . Qua sequentia finita , eunt , & osculantur pedes Pontificis , & dat eis bibere coppam potionis . Sic omnes lati recedunt .

Ad potandum vocati , ut Ordinis uterque codex habet , descendebant ad accubita , quo nimirum nomine designantur coenacula , seu triclinia apte instructa ad epulandum , & hospites excipiendos , vel sedes coenatoriæ instar lectorum ad accumbendum mensæ . Ædificia illa extrabant cum ad Vaticanum , ut apud Anastasium Bibliothecarium in Gregorio III. num.13. & in Leone item III. num.27. videre est , tum ad Lateranum , ubi ex eodem libro Pontificali a Zacharia , & Gregorio IV. triclinia constructa fuisse intelligimus , & aliud , cujus reliquias nostra quoque ætate conspeximus longe magnificentius a Leone III. erectum , ac postea a Leone IV. instauratum novimus , Leonianum propterea dictum .

Quem apud Hittorpium vidimus antiquum
Ve-

(1) Ipsam Græce , & Latine integram exhibemus infra .

(XIII)

Vesperarum Paschalium ritum, hunc & auctio-
rem prodat nunc Ordinis Romani libellus alter
titulo prænotatus, *De Officiis in noctibus a Cæna
Domini usque in Pascha*, ex vetustis codicibus Col-
bertino, & Vaticano a Joanne Mabillonio pu-
blici juris factus tom.2. *Musei Ital.* pag.36. ; & ve-
luti appendix primo Ordini Romano subjunctus.
In hoc enim libello, sive appendice ita legimus:
„ Ad vespéros diei Paschæ sancti conveniente
„ schola temporius cum Episcopis, & Diaconi-
„ bus in Ecclesia majore ad locum Crucifixi, in-
„ cipiunt *Kyrie eleison*, & veniunt usque ad alta-
„ re. Ascendentibus Diaconibus in pogium, Epi-
„ scopi, & Presbyteri statuuntur in locis suis,
„ & schola ante altare. Finito *Kyrie eleison* an-
„ nuat Archidiaconus primo scholæ, & ille incli-
„ nans se illi, incipit *Alleluja* cum psalmo *Dixit*
„ *Dominus Domino meo*. Post hunc annuit secun-
„ do, vel cui voluerit: sed & omnibus incipien-
„ tibus hoc modo præcipit. Dicit igitur *Alleluja*
„ cum psalmo cx. Sequitur post hunc primus
„ scholæ cum paraphonistis infantibus, *Alleluja*,
„ & respondent paraphonistæ. Sequitur Subdia-
„ conus cum infantibus *Alleluja*, *Dominus regna-*
„ *vit* (1) & reliqua: & semper respondent pa-
„ ra-

(1) Psal. 92. Hic mihi notandum illud succurrit, quod quum ea
olim fuerit, quemadmodum hi Ordines demonstrant, Paschalibus
vespertinis precibus forma, ut post *Alleluja*, qui psalmos sequitur,
versus aliquot canerentur, ad hujusmodi versus videtur Amalarius

(XIV)

„ raphonistæ , & adnunciant versum secundum
„ infantibus *Ψ. Parata sedes tua Deus* . Item ver-
„ sum tertium *Elevaverunt flumina Domine* . Post
„ hos versus salutat primus scholæ Archidiacono-
„ num , & illo annuente incipit *Alleluja* cum
„ melodiis infantium , Qua expleta respondent
„ paraphonistæ semel . Post hanc incipit tertius
„ *Alleluja* cum Psalmo cxi. Hunc sequitur *Alle-*
„ *luja Pascha nostrum immolatus est Christus Ψ. Epu-*
„ *lemur in azymis* (1) . Hoc expleto , ordine quo
„ supra incipit Archidiaconus in Evangelio An-
„ tiphona : *Scio quod Jesum queritis* (2) , vel ,
„ *Jesum quem queritis* (3) . Post hæc dicit sacer-
„ dos orationem (4) & descendunt ad Fontes
„ cum antiphona : *In die resurrectionis meæ* (5) :
„ quam ut finierint , dicit primus scholæ *Alle-*
„ *luja* cum Psalmo cxii. Sequitur *Alleluja* .
„ *Ο Κύριος ἐβασίλευσεν* (6) : item versum ,
„ *Καὶ γὰρ ἐς ἐρέωσιν πᾶν οἰκαμένην ἡτῆς ἔ σα-*
„ *λευθήσεται* (7) . Finito ordine quo supra , post
„ hanc

respexisse , cum in libro de Ord. Antiphonarii cap. 52. sic ait : *In ea statione , in qua Apostolicus celebrat vespertinale officium , Alleluja canitur cum omni supplemento , & excellentia versuum , & sequentiarum .*

(1) I. ad Corinth. cap. 5. v. 7. 8.

(2) Matth. cap. 28. v. 5.

(3) Marc. cap. 16. v. 6.

(4) Quænam sit hæc oratio , uti etiam aliæ , de quibus postea fit mentio , ostendam infra ubi Vaticanæ Basilicæ monumentum illustratur .

(5) Ex Sophon. cap. 3. v. 8.

(6) Latine *Dominus regnavit* . Psal. 92.

(7) Nempe , *Etenim firmavit Orbem Terra qui non commovebitur* . Psal. 92.

(XV)

„ hanc sequitur Diaconus secundus in Evange-
 „ lio ant. *Venite , & videte locum ubi positus erat*
 „ *Dominus* (1) *All. all.* Deinde dicit Sacerdos ora-
 „ tionem : & tunc vadunt ad S. Joannem ad Ve-
 „ stem (2) canentes ant. *Lapidem quem reprobave-*
 „ *runt* (3), deinde *All.* cum Psalmo cxiii. Deinde
 „ primus Scholæ dicit cum pueris : *All. Venite*
 „ *exultemus Domino* *℣. 2. Praoccupemus faciem*
 „ *ejus. ℣. 3. Hodie si vocem ejus.* Post hoc sequi-
 „ tur Diaconus ant. *Cito euntes dicite discipulis*
 „ *ejus* (4) : deinde oratio semper absque *Kyrîe*
 „ *eleison* , & tunc vadunt ad S. Andream (5) ad
 „ crucem , canentes ant. *Vidi aquam egredientem*
 „ *de templo a latere dextro.* *All. & omnes ad quos*
 „ *pervenit aqua ista , salvi facti sunt , & dicent .*
 „ *All. all.* (6) . Post hanc dicent : *All.* cum Psal-
 „ mo cxiii. (7) Quo finito Schola incipit : *All.*
 „ *Venite exultemus Domino* ; & reliqua , ut supra .
 „ Post dicitur ant. *Cito euntes* , & deinde ora-
 „ tio . Deinde descendunt primates Ecclesiæ ad
 „ accubita , invitante Notario Vicedomino , &
 „ bibunt ter , de Græco semel , de Pactis se-
 „ mel , de Procoma semel . Postquam biberint
 „ omnes Presbyteri , & omnes Diaconi , seu Sub-
 „ dia-

(1) Matt. cap. 28. v. 6.

(2) Qui locus paulo infra explicatur .

(3) Psal. 117. v. 22.

(4) Matt. cap. 28. v. 7.

(5) De quo dicitur paulo infra :

(6) De hac Antiphona superius locuti sumus .

(7) Legendum esse opinor cxiii. ut infra ostendam .

(XVI)

„ diaconi , vel omnes Acolythi per singulos titulos redeunt ad faciendos Vesperos , & bibent de dato Presbyteri . „

Quum nonnulla hujus monumenti loca ex superioribus ad Hittorpianum Ordinem notis facili negotio intelligi queant , alia nunc , quæ ejusdem monumenti propria sunt , paucis illustrari debent . In eo quippe legimus , *vadunt ad Sanctum Joannem ad Vestem* : ad quæ verba Mabillonius observat , in quibusdam deesse *m' ad vestem* : & apud vulgatum Alcuinum haberi , *ad Sanctum Joannem ad Fontes* , seu *ad Vestem* : tum vero meminit , extare nunc quoque Oratorium S. Joannis Baptistæ ad Fontes Lateranenses a Beato Hilario Papa constructum ; quod (ita demum conjicit) quia fortasse baptizandi velles ibi deponebant , easdemque jam baptizati ibidem relucebant , dictum est *Sancti Joannis ad Vestem* .

De Stationis loco , qui in hoc libello dicitur *ad S. Andream* , prælaudatus Mabillonius advertit , templum S. Andreæ proximum fuisse Basilicæ Vaticanæ a Symmacho Papa erectum . Factum sane vulgatus Anastasius enarrat : Sed minus opportuna hæc observatio videtur , quod sacram functionem vespertinam hic libellus exhibet in Lateranensi Ecclesia celebratam . Jam vero ad Lateranum ; præter Monasterium Sanctorum Andreæ , & Bartholomæi , dictum quoque Honorii Papæ , ab Hadriano I. Pontifice , ut ex prædicto Anastasio discimus , instauratum ; existebat

(XVII)

bat etiam Oratorium S. Andreæ, de quo Joannes Diaconus in Ecclesiæ Lateranensis descriptione, quæ ex vetusto codice a Dominico Georgio Liturg. Rom Pont. tom 3. pag 551. edita est, sic refert: *Retro Ecclesiam S. Salvatoris quatuor sunt Oratoria: unum est, quod habet duas absidas, sub una est altare S. ANDREÆ, & S. Lucie, sub alia absida est altare SS. Rufinæ, & Secunda &c.* Itaque S. Andreæ aram hic a Joanne Diacono memoratam, aut si mavis, monasterium prædictum, cujus Monachi Divinam in Lateranensi Basilica perolvere psalmodiam debebant, per ea verba *Vadunt ad S. Andream*, indicari existimo. Nec prætermittendum puto, etiam in codice descriptionem Lateranensis Basilicæ a Joanne Diacono concinnatam præferente, qui a Mabillonio tom. 2. Musei Italici editus est, plurimum tamen differt ab alio, quem prædiximus, Mito per Georgium postea vulgato; cap 12. Altare SS. Andreæ, & Lucie diserte commemorari. In processu tandem, ac Statione *ad S. Andream* hic quem versamus, Mabillonianus Romani Ordinis libellus Psalmum cxliii. canendum indicit. At ego cogitans, facile in votas numerales posse mendam irreperere ex amanuensis, aut typographi oscitantia, factum esse crediderim, ut hic mendose cxliii, pro cxlii. legatur. In hanc me opinionem adducunt cum veteres Romanæ Ecclesiæ rituales libri, tum liturgici scriptores, qui Psalmos quidem die Dominica Resurrectionis Christi ad ves-

B

per-

(XVIII)

pertinam horam recitandos singillatim designant, sed inter eos Psalmum centesimum decimum quartum minime recensent. Et si forte aræ sacræ plures quam fere decretæ erant, invisendæ forent, ne tunc quidem Psalmus ille cxliii. canebatur, sed proximus cxlii. *In exitu Israel* repeti solebat: cuius rei luculentus testis est Amalarius in libro de ordine antiphonarii cap. 52. ubi describens Dominicæ Resurrectionis officium, sic inquit: *In vespertinali post tres Psalmos canitur unum Alleluja ante hymnum Sanctæ Mariæ (nimirum ante canticum Magnificat); post quartum (scilicet Psalmum) unum (idest Alleluja); post quintum unum, quæ pertinent ad Crucem, & ad Fontes. In Romano enim Ordine invenitur in ipsa die Resurrectionis Domini repetitus Psalmus, In exitu Israel: Hoc enim fit propter multiplicia altaria illius loci, ubi illa die Statio fit. Insuper meæ conjecturæ suffragatur Codex Mss. membranaceus Palatino Vaticanus signatus num. 487. ex quo Venerab. Servus Dei Joseph. M. Carus, scilicet Thomasius S.R.E. Cardinalis sanctitate, & doctrina plane eximius anno 1686. Ordinem Officiorum in noctibus a Cœna Domini usque in Pascha (ipsum inquam Ordinem, qui ex Colbertino etiam Codice a Mabillonio recusus est Appendicis titulo, & cuius portionem nos supra recitavimus) evulgavit ad calcem Responsorialium, & Antiphonariorum Romanæ Ecclesiæ pag. 387. & seqq. edit. Rom. an. 1686. Hic enim in processu, & Statione ad*
S. An-

(XIX)

S. Andream ad Crucem psalmus non cxiiii. sed cxiii. recitari præscribitur.

Insalutatus præteriri non debet mos, quem in prolato monumento vidimus, certos nimirum in sacra Functione versus Græca lingua concinendi: immo dum post absolutas Vesperas corpora selectis poculis recreabantur, piam sequentiam, uti dicebant, seu prosam xii. Ecclesiæ Sæculo cani consuevit, quam a Benedicto Vaticanæ Basilicæ Canonico memoratam supra observavimus, quamve ex Joanne Severano lib. *de septem Urbis Ecclesiis* p. 503. edit. Rom. mdcxxx. integram huc referimus sic habentem.

Πάσχα ἱερὸν ἡμῖν σήμερον ἀναδεδείχθαι,
πάσχα καινὸν, ἅγιον, πάσχα μουσικὸν, πάτχα
πανσεβίσμιον, πάσχα Χριστὸς ὁ λυτρωτής, πά-
σχα ἄμωμον, πάσχα μέγα, πάσχα τῶν πι-
σῶν, πάσχα τὸ πύλας ἡμῖν τῇ παραδείσῳ ἀνοι-
ξαν, πάσχα πάντας ἀγιάζον πιστῆς. Τὸν Πῶιυης
Πάπαν, Χριστὴ, φύλαξον. Id est: Pascha sacrum no-
bis hodie ostensum est, Pascha novum, sanctum,
Pascha mysticum, Pascha maxime venerandum,
Pascha Christus Redemptor, Pascha immaculatum,
Pascha magnum, Pascha fidelium, Pascha quod por-
tas nobis Paradisi aperuit, Pascha quod omnes sanctifi-
cat fideles. Romæ Papam, Christe, serva.

Sequentiam hanc, sive prosam Romanus Cencii Card. Sabellii Ordo cap. 15. num. 36., prout a Mabillonio vulgatus est, græce exhibet aliquan-
tulum diversam: & juxta lectionem, quam se-

quuti hic sumus, ipsa extat, si ultimum excipias
versum, in Græcorum Triodio anno MDCCLXXXVIII.
typis commisso, ubi in solemni Dominicæ Resur-
rectionis officio tum mane canitur, tum vespere.
Cur autem usuvenit, ut græca quædam latinis
miscerentur non modo in hac functione, verum etiam
in aliquibus aliis sacris officiis, veluti cum in
majoris hebdomadæ Sabbato Sancto duodecim
Lectiones græce, & latine recitabantur, duplex
ratio ab antiquis redditur, unio scilicet utriusque
populi, & Græcorum præsentia functionibus
Latinorum. Secunda hæc ratio mihi est potior,
cum Romæ degeret non parvus Græcorum
numerus, quibus ex Oriente ad Urbem confugientibus
Summus Pontifex Paulus I. Monasterium, & ecclesiam
Sanctorum Stephani, & Silvestri inhabitanda, &
religiose colenda tradidit (1). Itemque Antistes
maximus Paschalis Primus in Sanctæ Prædix
coenobio, & Sacra æde Græcos constituit (2): &
præterquam quod Schola Græca in vetustis
Urbanis monumentis disertissime commemoratur,
laudatus superius Cencius Camerarius Card. Sabellus
in suo Romano Ordine, *Cap. 18. num. 40.* S. Cæsarium
Græcorum, & S. Gregorium Græcorum inter
Ecclesias Urbis recenset. In illorum itaque gratiam,
ut opinor, quando ipsi latinorum functionibus
aderant, aliquæ lectiones sacræ aut divi-
næ

(1) Apud Anastasium Bibliothecarium in Paulo I. n. 5. edit. Vignolii.

(2) Apud citat. Anastasium in Paschali I. num. 9.

(XXI)

næ laudes græce canebantur . Quid simile in præfentiarum usuvenit in Vaticana S PETRI Basilica : ad hanc quippe die 17. Kal. Julii, translationi Corporis S. Gregorii Nazianzeni sacra , collegii Græci alumnos conferre sese , atque ab uno eorum inter Missarum solemnias sermonem Græce , & Latine haberi certum est .

C A P U T III.

*Vespertinus idem Ritus in Vaticana Basilica olim
usitatus ostenditur ex veteri monumento .*

Singulari quidem veneratione , ac honore maxime digna est Lateranensis Ecclesia ob sui primatus rationem , non tamen iccirco Vaticanæ Sancti Petri Basilicæ neganda est Ecclesiæ Cathedralis dignitas . Hujus rei multa argumenta proferri sane possunt : sed instituto nostro satis est si testimonium omni exceptione majus huc adducatur , scilicet Innocentius III. Pontifex sapientissimus , ac rerum Ecclesiæ Romanæ peritissimus . Is enim in epistola ad Archipresbyterum , & Clericos Plebis Aretinæ, septimo Pontificatus anno apud Lateranum XIII. Kal. Maij data , atque ex tabulario Apostolico secreto Vatic. (1) a Philippo Cappello (2) & Crescimbenio (3)

B 3

ty-

(1) Regest. epistolarum Innocentii III. Pontificat. an. vii. fol. cxxii.

(2) De Ecclesia S. Anastasie pag. 42. & seq.

(3) De eadem sacra xdc pag. 46. & seq.

typis vulgata , de Vaticana Principis Apostolorum Basilica , & Ecclesia Lateranensi luculentissime pronunciat , quod *Utraque sit Ecclesia cathedralis*. Id autem præfati obiter sumus , quia quem in Lateranensi Ecclesia usitatum perspeximus vesperarum Paschalium ritum , in Vaticana quoque basilica solemnem fuisse , singillatim ostendamus nunc oportet : nec valde in hoc nobis elaborandum ; in ipsius enim Basilicæ tabulario extat membranaceus codex XII. Ecclesiæ sæculi cadentis , aut XIII. ineuntis , Responsoriale , & Antiphonarium ad usum Canonicoꝝ S. Petri continens , ac inter alios rituales Sanctæ Romanæ Ecclesiæ veteres libros a Venerabili Card Thomasio typis in lucem prolatus , illustratusque . In eo autem ad Dominicam Resurrectionis Jesu Christi post matutini , & horæ primæ officia sic legitur :

„ Incipit ordo vesperarum Paschalium .

„ Omnes induti sericis indumentis ordinate ingrediuntur Ecclesiam ; cruce , & thuribulo cum incenso , & facula baptismi præcedente , & stantes in medio chori Canonicoꝝ , submissa voce dicunt Nonam ; & servato ordine vadunt ante cruces cantando novies *Kyrie eleison* usque ad altare Beati Petri .
 „ Tunc Prior incipit antiphonam : *Alleluja , alleluja , alleluja , alleluja* , Ps. *Dixit Dominus* .
 „ Antiph. *Alleluja , alleluja , alleluja , alleluja , alleluja* . Psal. *Confitebor* . *Alleluja* . *Ps. Dominus*

„ re-

(XXIII)

„ regnavit , decorem induit : induit Dominus for-
„ titudine , & præcinxit se virtute . Primicerius
„ V. Parata sedes tua , Deus . Ex tunc a seculo :
„ Ex tunc a seculo tu es . Primicerius & Elevave-
„ runt flumina Domine . Schola : Elevaverunt . Se-
„ cunda : Elevaverunt flumina voces suas . Ite-
„ rum ant. Alleluja , alleluja , alleluja , alleluja ,
„ alleluja , alleluja . Psal. Beatus vir . In evang. (1)
„ ant. Cito euntes , dicite discipulis : Quia surrexit
„ Dominus Alleluja , alleluja . Psal. Magnificat (2),
„ Oratio . Concede quaesumus omnipotens Deus ,
„ ut qui (3) . Ant. per viam ad Sanctam Crucem .
„ Ant. In die resurrectionis meæ , dicit Dominus ,
„ alleluja , congregabo gentes ; & colligam regna (4) :
„ & effundam super vos aquam mundam (5) , alle-
„ luja . Primicerius Ant. Alleluja alleluja , alle-
„ luja , alleluja alleluja . Psalm. Laudate pueri .
„ Ant. Venite , & videte locum ubi posuit erat
„ Dominus . alleluja . Cant. Magnificat . Oratio Præsta
„ quaesumus omnipotens Deus , ut qui gratiam (6)

B 4

„ Ad

(1) Nempe canticum Magnificat ex Lucæ Evang. cap. i. , ut supra in-
nuimus . (2) Canticum Magnificat psalmus quoque appellatur .

(3) Hæc Oratio apud Venerab. Card. Thomassium in Orationali
pag. 16. primæ edit. sic habet : Concede quaesumus , omnipotens Deus ,
ut qui resurrectionis Dominicæ solemnia colimus ; innovatione tui
Spiritus , a morte animæ resurgamus . Per eundem &c.

(4) Sophoniæ Prophetæ verba sunt cap. 3. v. 8.

(5) Postrema verba hæc , Et effundam &c. extant apud Ezechielem
cap. 36. v. 25.

(6) Dominicæ resurrectionis agnovimus ; ipsi per amorem Spiritus a
morte animæ resurgamus . Per eundem . „ In hunc modum ex præ-
laudato Ven. Thomasio loc. cit. debet oratio suppleri .

(XXIV)

„ Ad Fontes .

„ *Vidi aquam egredientem de templo a latere dex-*
„ *tro . alleluja Et omnes ad quos pervenit aqua ,*
„ *hi salvi facti sunt (1) , & dicent , alleluja . Ant.*
„ *Alleluja , alleluja , alleluja , alleluja alleluja .*
„ *Psalm. In exitu Ant. Scio quia Jesum queritis*
„ *crucifixum ; surrexit (2) , alleluja Pl Magni-*
„ *ficat . Oratio: Concede quasumus omnipotens Deus ,*
„ *ut qui peccatorum (3) . Ant Crucifixum in carne*
„ *laudemus : alleluja alleluja , alleluja : & sepul-*
„ *tum propter nos glorificemus ; alleluja , alleluja ;*
„ *Resurgentem de morte , venite , adoremus , alle-*
„ *luja , alleluja . Sequitur sequentia Mane pri-*
„ *ma sabbati (4) . In Evang. Ant. Venit Maria ,*
„ *nuntians discipulis : quia surrexit Dominus . alle-*
„ *luja , alleluja . Psal. Magnificat . Oratio Deus*
„ *qui per Unigenitum (5) . „ Haftenus codex an-*
tiphonarius , & responsorialis , notis musicis di-
stin-

(1) Antiphona hæc spectat ad ea, quæ in Ezechiele cap. 47. ver. 1. 2. 8. & 9. legimus , ut superius demonstratum est .

(2) Matthæ. cap. 28. v. 5. 6. , Marc. cap. 16 v 6.

(3) *Nostrorum pondere premimur , a cunctis malis imminentibus per hæc Paschalia festa liberemur . Per. „ Ita in prædicto Orationali , feria secunda post Pascha ad Vesperas .*

(4) Sequentiam hanc dabimus infra .

(5) Hæc Oratio nisi illa sit , quæ in Resurrectionis Dominica recitatur , procul dubio eadem est , quam in commemorato Orationali Thomæsius refert in hunc plane modum . „ *Deus qui per Unigenitum tuum æternitatis nobis aditum , devicta morte reſeraſti , da nobis , quasumus , ut qui reſurrectionis Dominica ſolemnia colimus , per innovationem tui Spiritus , a morte anima reſurgamus . Per eundem . „*

(XXV)

stinctus, & in Vaticanæ Basilicæ Archivo, ubi adhuc servatur, signatus 79. B.

Hunc librum ad usum fuisse Canonikorū ejusdem Vaticanæ Basilicæ, Clariss. Thomasius editor scite adnotavit. Quamvis enim id codex in titulo disertis, & explicatis verbis non præferat, ex iis tamen, quæ in ipso volumine occurrunt, maxime perspicuum fit. Nam in Kalendario, quod illi præfigitur, expressim enunciatur VIII. Kal. Aprilis *Consecratio altaris S. Petri*, & in VIII. Idus Novembris *Consecratio altaris S. Mariæ de cancellis*. Hæc autem ad Vaticanam beati Petri basilicam ita pertinent, ut nulli alii sacræ ædi aptari possint: siquidem cum Calixtus II. Summus Pontifex, ut literis prodiderunt Romanus Canonicus in descript. Vatic. basil. cap. 54., & Vegius lib. 2. Rerum memorabilium ipsius Vaticani templi, in celebri die annunciationis beatæ Mariæ, quæ VIII. Kal. Aprilis colitur, magno cum Episcoporum Sacerdotumque conventu, ac populorum applausu, instauratum ab se & ornatum S. Petri altare consecrasset; hujus dedicationis memoriam pro illius ætatis more Clerus Vaticanus celebrare olim consuevit: eodemque ritu, ac pietate sextam Novembris diem venerabatur, anniversariam scilicet consecrationis altaris S. Mariæ de cancellis, quam inter dies festos ab ipso Clero agendos Nicolaus III. Pont. Max in constitutione apud Bullarium Vatic. basil. tom. 1. pag. 186. recepit. In eximio autem
sa.

sacello, quod S. Paulus Papa I. in angulo transver-
 sæ navis prisce templi Vaticani ad occidentem ,
 & meridiem vergente , uti ex Ichnographica Ja-
 cobi Alpharani tabula *num. 17.* intelligimus , eri-
 gendum curavit , sacra hæc ara existebat , quam
 oblationibus quoque Fidelium distinctam fuisse ,
 prælaudata Nicolai III. sanctio *loc. cit. pag. 183.*
 luculenter innuit . Præterea in eodem codice ,
 ubi Officium noctis Natalitiæ Domini ordinatur ,
 legimus ; Finitis lectionibus . quinque vel sex Ca-
 nonicos in chori meditullio canere simul de-
 buisse antiphonam , *Ecce Maria genuit &c.* , &
 chorum utrumque respondere solitum , *Ecce Agnus
 Dei* ; quibus continuo ista subnectuntur : *Finita
 antiphona processionaliter inus ad Sudarium Christi
 cantando , Te Deum laudamus , & ibi celebramus
 Missam .* In officio autem defunctorum sic idem
 codex habet : *Ant. per porticum juxta paradisum ,
 quam antiphonamus cum (Psalmo) Miserere , usque
 ad portam Judicii .* Quisquis vero hæc animadver-
 terit , & cum veterum scriptorum narrationibus
 contulerit , ea unius Vaticanæ Basilicæ propria
 esse facili negotio perspiciet . Nam vetustissima
 Jesu Christi Domini effigies , Sudarium , & Ve-
 ronica , & Vultus Sanctus ab antiquis appellata ,
 jam pridem decorat Vaticanum beati Petri tem-
 plum , in cujus extrema parte boreali in celebri
 Sacello Joannis VII. Pontificis cura extructo olim
 custodiebatur , ut Romanus *cap. 19.* Vegius *lib. 4.*
 & Alpharanus *num. 115.* memoriæ tradiderunt .
 Pa-

(XXVII)

Paradisi quoque vocabulum, quemadmodum hic usurpatur, & Porta Judicii basilicam Vaticanam extento veluti digito demonstrant: eo quippe nomine atrium ejusdem sacrae ædis a majoribus nostris designatum fuisse, in notis ad ipsius basilicæ Bullarium *tóm. 1. pag. 31.*, & 84. ex priscis auctoribus ostenditur, quorum unum huc accersam, scilicet Doni biographum, quo teste apud Anastasium Bibliothecarium Romanus ille pontifex atrium beati Petri Apostoli superius, quod Paradisus dicitur, estque ante Ecclesiam in quadriporticu, candidis, & magnis mirum in modum stravit marmoribus. Ex quinque vero templi Vaticani portis unam fuisse *Judicii* nuncupatam, nemo certe, nisi historiæ Sanctuarii hujus omnino expers, ignorat, quum splendida sint tam Romani *cap. 44.*, vere tamen Petri Mallii, quam Vegii *lib. 2. cap. 3.* testimonia, in quibus recensetur præter alias porta Judicii, sic appellata, quod per eam tantummodo mortui sepeliendi, quasi a Deo judicandi portarentur, adeo ut qui ex Canonicis, et Beneficiatis in basilicæ Sacratio tumulandi sunt, eorum cadavera non nisi per eam portam, quæ nunc dicitur *De' Morti*, in templum inferantur. Quin igitur ad alia provocemus argumenta; ritualis Codex, de quo loquimur, Vaticano Sancti Petri Clero usui fuisse, ex his quæ protulimus, satis superque evincitur.

C A P U T IV.

*Datus Vaticani Responsorialis, & Antiphonarij
locus explicatur.*

Priusquam vero ultra pergamus, particulæ quædam loci ex eodem Rituale excerpti, pauloque ante exhibiti illustrandæ sunt. Quod itaque primo legitur, omnes sericis vestibus amictos Ecclesiam ingredi debere ordinatim, id aliquo modo convenit cum Alexandri Papæ Quarti constitutione anno MCCLX. edita, qua decernitur, ut clerici Ecclesiarum Urbis in solemni supplicatione VII. Kal. Maij haberi solita ad Vaticanam basilicam *induti vestimentis sericis, aut superpelliceis* accedant; quæ vestes sericæ præsertim pluvialia esse mihi videntur ex celebri Nicolai III. Sanctione pro Vaticano S. Petri clero excusa, prope cujus finem Pontifex jubet, ut quando altari thus adoleri oportet, eo sacerdos *non in capa lanea, sed serica, quæ pluviale dicitur*, sese conferat. Deinde juxta ritualement codicem nostrum procedentes in vespertina paschali supplicatione antecedit *facula baptismi* cum cruce, ac thuribulo. Inter cæteros proventus, quos ex Fidelium oblationibus ad S. Petri Confessionem percipiebant Canonici Vaticanæ basilicæ, hic recensetur, *pro baptismo una facula unius decinæ*, ut legitur in veteri MS. libello apud ejusdem basilicæ

(XXIX)

cæ archivum *cap. 2. fascic. 255.* Cereus autem paschalis, Durando teste, XIII. sæculi scriptore, & episcopo Mimatenſi in ſuo Rationali Divinorum Officiorum *lib 6. cap. 80.*, neophytos tum in Sabbato Sancto ad baptiſmum, tum ſeptem diebus mox ſequentibus in ſimili ſcilicet proceſſione vespertina ad Fontes præibat. Et ab Amalario *lib. 1. de Eccleſiaſtic. Offic. cap 33.*, ubi ſermo de neophytis, qui ad Eccleſiam ducebantur diebus paſchalibus, memoratur *columna Cerei illuminata præcedens eos. Canonicoꝝ chorus*, quem data codicis lacinia meminit, ad ortivam faciem auſtralis paraſtatæ, quæ ſuſtinebat arcum triumphalem veteris baſilicæ Vaticanæ, ſitus erat, ut Alpharani Tabulam *num 38. & mss. explicationes* inſpicienti conſtat. In pervetuſta hujus ſacri Templi deſcriptione a Paulo de Angelis ſub nomine Romani canonici, qui anno æræ vulgaris *MCLXXXI.* inter vivos agebat, typis impreſſa, ſed Petro Malio, qui Alexandro III. Pontifice floruit, procul dubio adjudicanda, *cap. 6. de choro canonicoꝝ* luculenta ſit mentio. Ibi ſane, ut ritualis noſter habet, Canonicæ horæ nonæ Officium perſolvebatur, non quidem continuo poſt ſextam, quemadmodum hodie uſus obtinet, ſed pomeridiano tempore; ideoque æris Campani ſonitum ad Nonam præmitti conſueviſſe, deducimus ex libello de miraculis ad Eugenii III. Pont. Max. tumultum patratis, quod opusculum ab auctore Vaticanæ baſilicæ miniſteriis addicto compoſi-

positum Edmundus Martene *tom. 6. Veterum scriptorum, & monumentorum col. 1139. & seq.* evulgavit. In Lateranensi quoque Ecclesia consuetas horæ nonæ preces Officium vespertinum statim sequebatur, ut ex Benedicti Ordine Romano *num. 49.* liquet. Discrimen præcipuarum diei partium orationi apud Judeos olim adscriptarum, Christi Ecclesiam vel a suis incunabulis imitatum fuisse, ex Apostolorum Actis *cap. 3.* & priscorum traditione comprobatur. Cum autem juxta Hebræos illo diei spatio, quod ab hora post Solis ortum Nona, sive post meridiem quarta, usque ad Solis occasum percurrit, hora Nona definita fuerit, hinc plane intelligimus, id tempus Officio hujus horæ canonicæ ex primæva institutione persolvendo esse consentaneum: quo alludit hymni Sancto Ambrosio attributi versus, quotidie recitari solitus: *Largire clarum vespere*: eodemque spectant strophæ quædam aliorum veterum ad Nonam hymnorum, qui in Venerab. Card. Thomasi hymnario *pag. 107.* prioris editionis extant. Quamobrem ut laudari debet majorum nostrorum religio, qui Nonæ horæ canonicæ precibus post meridiem, & in diei parte ad vesperam vergente ex Ecclesiæ institutis vacabant, ita dolendum, nullam hodie in Urbe Roma supereffe sacram Ædem, in qua divini Officii partes suis propriisque temporibus a Clericorum Collegiis celebrentur: vulnus profecto, quod inter alia, & quidem graviora, disciplinæ Ec-

cle-

clasticæ intulit vitæ communis derelictio . Clericis in eodem clauſtro baſilicæ adjuncto commorantibus , eodemque in reſectorio veſcentibus , quamquam paupertatis voto minime adſtrictis , facile erat ad ſacras preces ſtatis horis convenire : hinc inter ſanctiones pro Vaticanis Sancti Petri Canonicis, Innocentio III. Pontifice Maximo, editas , tum clauſtri uſus confirmatur , tum etiam decernitur , ut *qui (Canonici) ad Sextam non venerint , ſi fuerint præſentes ſubtrahatur eis panis in prandio . Et qui ad Nonam non iverint , negetur eis panis in cæna .* Sic apud Bullarium baſil. Vatic. tom.I pag. 87.

Qui Nonæ Officium expleverunt , ii ſervato ordine juxta rituaſem codicem *vadunt ad cruces* . Venerabilis Cardin. Thomæſius commemorata cruce magna in ſupradicto arcu triumphali trabi hinc illincque ſuſtentatæ impoſita , arbitratur Crucem hanc verbis illis , *ad Cruces* designari . Viri ſanctitate , & doctrina clariffimi interpretationem veneror : cui tamen alteram addere ex conjectura mihi liceat . In majori antiquæ Vaticanæ Baſilicæ navi locus erat *Ad Crucifixos* appellatus : quod proſecto intelligimus ex Benedicto Sancti Petri Canonico , qui in ſuo Romano Ordine ante annum MCXLIII. exarato nocturnam in ipſa Vaticana Baſilica Stationem Dominicæ III. Adventus deſcribens , Summum Pontificem exhibit thure adolentem ſacras quaſdam aras , hiſque accenſet *duo altaria in mediana (navi) ad Crucifixos , ubi*
ab

(XXXII)

ab antiquis Patribus audivimus requiescere Apostolos Simonem , & Judam . Neque obscura videtur nominis ratio , quæ ex eo repeti haud difficulter potest , quod Sanctus Pontifex Leo IV. canonico Romano teste in Vaticani Templi Descriptione cap. XI. , Crucem magnam auream ad Altare SS. Apostolorum Simonis & Judæ , & ad aliud e regione situm SS. Philippi , & Jacobi altare aliam magnam Crucem argenteam fecit posuitque ; atque Alpharanus qui Sixto V. Christianam Rempublicam gubernante floruit , item scriptum reliquerit : Sacra hæc ara (SS. Simonis & Judæ) dicebatur ad Crucifixos , quia ibi fuit vetustissima Crucifixi imago , quæ nunc est in Altari S. Petronille , alius vero Crucifixus cernitur adhuc depictus in pariete supra columnas , infra quem immediate sunt vetustissimæ imagines Apostolorum Simonis . & Judæ . Locum igitur Ad Cruces , & ad Crucifixos eundem esse crediderim , in majori scilicet veteris basilicæ navi a januis non valde dissitum ; hic enim SS. Apostolorum Simonis , & Judæ , atque Philippi , & Jacobi altaria sese invicem spectantia extabant , ut patet ipsius basilicæ tabulam ichnographicam a prædicto Alpharano editam num. 44. 45. consulenti .

Precum Vespertinarum exordium est pervulgata illa formula *Kyrie Eleison* , quemadmodum in prolatis etiam Ordinibus Romanis perspeximus . Mabillonius advertens in Appendice ab se Ordini Primo Romano adfuta concinendam præscribi
eam

eam ipsam formulam, hoc putat contrarium Amalario, *lib. 4. de Divin. Offic. cap. 23.* sic affirmanti :
 „ *Habemus scriptum in Romano Ordine ut non dicatur Kyrie eleison, sive Christe eleison ad ullum cursum in memoratis diebus, sed sine retractione cantemus* Hæc dies quam fecit Dominus :
 „ *exultemus, & lætemur in ea. Collectam solam solet Sacerdos dicere in fine Officij.* „ At oppositionem ego non video. Amalarius enim eo in loco negat quidem ex Romano Ordine diebus paschalibus formulam *Kyrie Eleison* præmitti collectæ, seu orationi, quæ in fine cujusque cursus, horæ scilicet canonicæ dicitur; sed non inficiatur præparationem ad vespertinas paschales laudes esse litaniam, *Kyrie eleison* in processione ad altare, ut ex eisdem vidimus libellis, recitandam.

Ad hæc ritualis Codex noster *Scholam, & Primicerium* repræsentat, cantores nempe, eisque præfectum in vespertina sacra functione concinentes. Profecto S. Gregorius Magnus ex duobus, quæ cantorum collegio addixit, domiciliis, unum ad gradus basilicæ S. Petri constituisse, a Joanne Diacono in hujus Pontificis vita *lib. 2 cap. 6.* traditur. De Stephano V. alias VI. ad Romanam summæ dignitatis Cathedram anno Christi DCCCLXXXV. evecto, ait ejus biographus apud Anastasium Bibliothecarium: *Tribuit in hospituali beati Gregorii in porticu beati Petri Apostoli sermonum sanctorum librum unum, & in Schola Cantorum,*

(XXXIV)

rum, quæ pridem orphanotrophium vocabatur, heptateuchum unum, idest volumen primos septem Divinæ Scripturæ libros complectens. Num hic biographi memorati locus ad domicilium, quod juxta Vaticanam basilicam a S. Gregorio Papa cantoribus erectum, ex Joannis diaconi testimonio nuper vidimus, referri debeat, nec certo affirmare auserim, nec inficiari. Id tamen luculentum plane est, quod Petrus Mallius cap. 4. scribit, nempe xenodochium a beato Pontifice Gregorio Magno ad Vaticani templi gradus excitatum fuisse, ibique tres cantores cum primicerio constitutos, qui jugiter officiant Missam ad altare beati Petri: satilque exploratum habemus, primicerium ipsum, & Cantorum Scholam patriarchalibus præsertim Ecclesiis Urbis inservire debuisse, quod ex Innocentii Quarti Pontif. Max. sanctione anno mcll. data, & in Basil. Vatic. Bullar. tom. I. fol. 127. relata, apertissime evincitur. Hanc ob causam ii præterquamquod ab ipso Innocentio reditibus aucti sunt, participes erant oblatorum ad Vaticanam S. Petri aram, ut Mallium nostrum cap. 42. 43. alias 6. 7. atque Honorii Papæ Tertii diploma apud prædictum Bullarium tom. I. pag. 105. legenti cuique constat.

Postquam Clerus coram principe S. Petri ara Divinum Numen laudaverat, precatusque fuerat inde, quemadmodum in codice nostro habemus, *ad Sanctam Crucem* procedebat, nimirum, ut equidem opinor ad Sanctæ Crucis facellum, sive

five oratorium profecto vetustissimum, quod a S. Symmacho Pont. Max. extractum fertur, certe a S. Leone III. Summo pariter Antistite funditus instauratum, ac splendidius ornatum fuisse, Anastasius Bibliothecarius enarrat: apud quem de prædicto Symmacho illud quoque legimus, quod in S. Petri Apostoli basilica *fecit oratorium S. Crucis ex argento in confessione, pens. lib. xxx., & Crucem ex auro, & gemmis, ubi inclusit lignum Dominicum pensantem libras x* quod librarum decem pondus referri debet ad Crucem, seu thecam in modum crucis conflatam, in qua lignum Crucis Domini Nostri Jesu Christi fuit conclusum; non ad ipsum Sanctæ Crucis lignum, ut Romanus Canonicus, vel a vitiato Libri Pontificalis, seu vulgati Anastasii Bibliothecarii codice aliquo deceptus, vel codicis locum oscitanter percurrentes, & ex Romano Maphæus Vegius perperam senserunt. Ceterum cappella prædicta quam in occidentali veteris templi Vaticani parte extitisse Alpharanus in sua Tabula *num. 35.* demonstrat, Nicolao V Pontifice Ecclesiam regente, diruta fuit, ut ex Pii II. constitutione apud ejusdem basilicæ Bullarium *tom. 2. pag. 174.*, & ex Vegio de Rebus sacre ipsius ædis *lib. 1. cap. 4.* facile cognoscimus. Notatu hic dignum est, quod Vaticanus iste Ritualis liber prius ad Sanctam Crucem, post ad Fontes accessum præscribit, secus ac legimus in Romanis Ordinibus, Durando, & Ruperto Tuitiensi, apud quos prius ad Fontes,

tum ad Crucem , aut aliud altare processio ordinatur . Sed præterquamquod Amalarius *cap. 52. de Ord. Antip.* primo aram crucis , deinde Fontes designat , exploratum est , eam fuisse veteris basilicæ Vaticanæ , quoad altaria attinet , positionem , ut Clero ex altari principe ad baptisterium procedere volenti , prius transeundum esset ante prædictum Sanctæ Crucis Oratorium , quemadmodum edocet memorata Alpharani Tabula ; & hinc peti ratio potest , cur in Vaticano Rituali processio ad Sanctam Crucem illi , quæ ad Fontes est , præponatur .

Tertia itaque statio ex eodem Responsoriali , & Antiphonario codice erat *ad Fontes* , quem locum satis illustrat Petrus Mallius ; commemorans enim in sui opusculi *cap. 6. Ecclesiam* , sive oratorium *S. Joannis ad Fontes* , quod in Vaticanæ Basilicæ transversa navi ad Aquilonarem partem situm erat , ibi *sunt inquit Fontes , quos fieri fecit Beatus Damasus Papa* . Cum sacram illam ædem , tum Fontes ad spiritualis regenerationis usum Alpharanus in suæ Tabulæ *num. 30. , & 31.* indigitat . Ac Pontificem Damasum aquas ex coemeterio , quod labefactabant , deflexisse , & ad construendum *Fontem* , præbet qui *dona salutis* corripuisse , per vetus , celebrique lapis carmina inscripta præferens , & in Cryptis Vaticanis adhuc asservatus perspicue docet . Flavius vero Macrobius Longinianus , qui anno reparatæ salutis cccxciv. Urbi præfectus fuit , sacros baptismi Fontes erexisse ,

(XXXVII)

xisse , aut nobilius ornasse , ex duplici epigrammate , altero apud Ant. Mariam Merendam collectorem opusculorum , & gestorum S. Damasi pag. 242. , altero apud Muratorium Inscription. tom. 4 pag. 1904. comprobatur . Subsecutis autem temporibus cum S. Leo III. summum gereret Pontificatum , Vaticanæ basilicæ baptisterium vetustate ruinofum , & accedenti ad Sanctum lavacrum populo excipiendo impar , Antistes ipse prorsus innovari , amplitudine augeri , ac pluribus pretiosisque ornamentis insigniri curavit , ut ejus vitæ scriptor num. 65. edit. Vignol. testatur . Fortassis hoc ædificium a Basilica olim pro antiquo more discretum erat , posteaque cum ea est ab Hadriano IV. Pontifice , ut videtur conjunctum , quomodo in prælaudata Alpharani Tabula inspicitur . Meam hanc opinionem argumentis confirmavit , qui prædictum lapidem carminibus exaratum , & alia monumenta in Cryptis Vaticanis existentia non multos ante annos explicuit .

Denique cum ex nostri Codicis præscripto Sequentia , seu prosa , cujus initialia tantum verba indicantur , scilicet , *Mane prima sabbati* , in vespertinis illis precibus recitanda esset , & hæc jam antiquata sit ; opportunum videtur eandem hic subjicere prout extat in libellis expositionem sequentiarum complectentibus ad finem vergente xv. Ecclesiæ sæculo , & xvi. ineunte impressis , in quibus ita legitur .

„ Mane prima Sabbati resurgens Dei filius

(XXXVIII)

„ nostra spes , & gloria , victo rege sceleris rediit
„ ab inferis cum summa victoria .

„ Cujus resurrectio omni plena gaudio con-
„ solatur omnia, Resurgentis itaque Maria Magda-
„ lene facta est prænuncia ferens Christi fratri-
„ bus ejus morte tristibus expectata gaudia .

„ O beati oculi , quibus Regem seculi morte
„ jam deposita , prima est intuita . Hæc est illa
„ fœmina , cujus cuncta crimina ad Christi vesti-
„ gia ejus lavit gratia .

„ Quæ dum plorat , & mens orat , facto
„ clamat , quod cor amat Jesum super omnia .
„ Non ignorat quem adorat , quid precetur ,
„ sed (1) dæletur quod mens timet conscia .

„ O' Maria , Mater pia , stella maris appel-
„ laris operum per merita . Mater Christi coæ-
„ quata dum fuisti sic vocata , sed honore sub-
„ dita .

„ Illa Mundi Imperatrix , ista beata pecca-
„ trix , lætitiæ primordia fuderunt in Ecclesia .
„ Illa enim fuit porta , per quam fuit lux (2)
„ exorta ; hæc Resurgentis prænuncia Mundum
„ replet lætitia .

„ O Maria Magdalena , audi vota laude
„ plena , apud Christum , chorum istum clemen-
„ ter concilia , ut Fons summæ pietatis , qui te
„ læ-

(1) Vetustior editio habet *jam* loco *sed* . Apud Clithoveum in *Elucidatorio Ecclesiastico* fol. 179 edit. Paris. 1540. legitur , *Nam* .

(2) *Per quam salus est ex orta* , alia editio legit . Apud Clithoe-
veum citatum habetur , *lux est orta* .

(XXXIX)

„ lavit a peccatis servos suos , atque tuos mun-
„ det data venia . Amen dicant omnia . „

Profam hanc in Dominicæ Resurrectionis honorem cantari consuevisse , innuit liber anno MCCCCLXXXIX. typis editus inscriptusque *Textus sequentiarum cum commento* : quem Archigymnasii Romani bibliotheca in pluteo 2. , notis 24. distinctum asservat, eandem memoratus Clichtoveus prædicto Elucidatorio Ecclesiastico refert .

C A P U T V.

*Idem ritus olim in aliis Occidentalibus
Ecclesiis tum in Italia , tum extra
ipsam celebris .*

NON Romæ tantum , sed etiam alibi cum in Italia , tum extra ipsam , quem demonstravimus Vespertinum Paschalem ritum , quamquam paulisper diversum obtinuisse constat . Profecto sacræ hujus functionis ordinem enarrat fol. 254. & seq. edit. Venet. anno 1569. vetus Rituale Romanum , quod inscribitur , *Sacerdotale secundum usum Sanctæ Romanæ Ecclesiæ, aliarumque Ecclesiarum* . Et quod ad Italicas Ecclesias attinet, nonnulla hic adducimus exempla . Bononiensibus typis anno 1766. a clariss. Abbate Joanne Chrysostomo Trombellio editus est adnotationibus illustratus , vindicatusque *Ordo Officiorum Ec-*

clesia Senensis, quem Odericus ejusdem Ecclesiæ canonicus anno mcccxiij. composuit. Hic siquidem Ordo *part. 1. pag. 200., & 201.* Paschaliū Vesperarum singularem describit ritum, ac formam fere similem illi, quā supra inspeximus: Nimirum Crucis venerationem & cultum indicit, Processionem ad Fontem Baptismalem pluribus explicat, easdemque vespervas ait trina Statione compleri. Hæ autem inchoantur a *Kyrie eleison* novies repetito. Tum prælaudatus Odericus ita subjungit: „ Cantor incipit antiph. *Angelus*
 „ *autem Domini.* Psal. *Dixit Dominus.* Antiph. *Erat*
 „ *autem.* Psal. *Confitebor.* Ant. *Præ timore.* Psal.
 „ *Beatus vir* Postea *ψ.* *Hæc dies quam,* cantatur. Deinde Sequentia *Clara gaudia* (1). Quando sequentia cantatur, tunc altaria incensentur, & detur incensum Clero, & populo: „ qua cantata cantor incipit antiph. *Post passionem Domini* Et hæc antiphona ad Magnificat cantatur, & cum Organo per totam Hebdomadam. Oratio *Deus, qui hodierna die.*
 „ *Per &c.* & statim cantor incipiat antiph. *Superexaltatus est Christus*, quæ dicenda est ante Crucem, „ & cum organo semper. Postea *ψ.* *Dicite in*
 „ *nationibus, Alleluja* Oratio *Deus qui pro nobis Filium tuum.* Mox cantor dicat antiph.
 „ *Crucifixum in carne,* & cum organo, & cum
 „ ea

(1) Hanc sequentiam si quis cupit percurrere, is consulat Dom. Georgium tom. 3. Liturg. Rom. Pont. pag. 493., ubi sequentia ipsa leguntur in Card. Gentilis Antiphonario, quod idem Georgius evulgavit.

(XLI)

„ ea vadunt ad Fontes vexillo cum Cruce præ-
„ cedente . Cum autem pervenerint ad Fontes
„ dicitur antiph. *Pax vobis . Ego . Psalm. Laudate*
„ *pueri . Psalm. In exitu ♯ .* Quoniam apud te est
„ fons vitæ . Oratio Paschalis dicatur pro re-
„ natis . „

Alterum exemplum Forojulienſis regio ſup-
peditat , ubi , abſolutis veſperis Paſchalibus , ſer-
vatum proceſſionis ritum , ex Ordine & Proceſſio-
nario Mſs. ob oculos ponit Clariff. Joannes Franc.
Bernardus Maria de Rubeis cap. 24. num. 3. ſuæ
Diſſertationis *De vetuſtis liturgicis , aliſque ſacris*
ritibus , qui vigeant olim in aliquibus Foraju-
lienſis provinciæ Eccleſiis inſcriptæ , ac Venetiis an-
no MDCCLIV. editæ . In iſto quidem Ordine exhi-
betur proceſſus ad Sanctæ Crucis altare , ubi
dicitur reſponſorium *Chriſtus reſurgens ex mor-*
tuis jam &c. Dicant nunc Judæi , ſemen nequam ,
filii ſclerati : quomodo milites cuſtodientes ſepul-
chrum , in quo nondum quiſquam poſitus fuerat ,
perdiderunt Regem & Dominum Dominantium ad
lapidis poſitionem , erat quippe magnus valde . Qua-
re non ſervabant petram juſtitia : Petra autem
erat Chriſtus . Aut ſepultum reddant , quem ſepul-
tum reſurgere poſſe non credebant , aut reſurgen-
tem adorent nobiſcum dicentes : Quod enim vivit ,
vivit Deo &c. Sequitur verſ. Dicite in nationi-
bus , cum Oratione , Deus qui ad æternam &c.
Tunc proceſſio progreditur ad Fontem cantando
antiph. *In die Reſurrectionis &c.* cum alia antiph.
Vidi

(XLII)

*Vidi aquam . Et dicitur Psal. Laudate pueri &c. quo finito repetitur antiph. Vidi aquam &c. Domine apud te est fons vitæ &c. cum Oratione , Deus qui diversitatem . Mox idem Ordo Forojulienfis alium indicit processum ad cappellam S. Donati, seu ad sepulchrum Christi : & cantari præscribit antiph. Venite , & videte locum &c. Psal. cxiii., orationem , Præsta quæsumus , ac peculiarem pro-
fām , seu sequentiam , quæ est hujusmodi : Sub-
mersus jacet Pharao , latentur filie Sion , cantent
sorores Aaron cum modulo , quia surrexit Dominus de
tumulo .*

*Submersis persequentibus , letis canamus voci-
bus , & nunciemus fratribus cum modulo , quia sur-
rexit Dominus de tumulo .*

*In Galilaam ibimus , ibi Jesum videbimus ,
ibi leti cantabimus cum modulo , quia surrexit Do-
minus de tumulo . Festum quod hic est annuum , erit
nobis continuum , Alleluja perpetuum cum modulo ,
quia surrexit Dominus de tumulo .*

*Vespertinum denique Officium Paschale
absolvitur cum antiph. Regina Cœli latere &c.*

*Quoad Ecclesias vero extra Italiam positas ,
in iis ritum , quem hucusque recensuimus , usita-
tum evincunt vetusta Monumenta a Martenio
tom. 3. de antiqu. Eccl. ritib. lib. 4. cap. 25. edit.
Antuerpiens. relata : Ista enim exhibent Ecclesias ,
Pictaviensem , Sveshionensem , Turonensem , Ar-
gentinam , apud quas sacrae ejusdem cæremoniæ
observantia comparet . Ipsum quoque ritum
in*

(XLIII)

in Ecclesia Andegavenſi ex Jacobo Eveillon de proceſſionibus Eccleſiaſticis *cap* 16. ac 17. , & in Laudunenſi ex Antonio Bellotte de Rit. Eccl. Laudun. *cap* 16. *obſervat.* 127. adhibutum ediscimus. Horum ritualium verba adferre abſtineo , ne Lectoribus moleſtia ingeratur , designata enim ſuperius exempla ſatis oſtendunt proceſſionem veſpertinaſ pſchalem non Romæ tantum , ſed in aliis quoque Eccleſiis antiquitus uſitatam fuiſſe .

C A P U T V I .

De Antiquitate ejuſdem Ritus .

Chriſtophorus Battellus de ritu ablutionis altaris maioris Baſilicæ Vaticanæ in die Coenæ Domini *cap* 9. *num.* 7. vetuſtiſſimam eſſe ait , ac , ut nonnulli opinantur , a primis uſque Chriſtianæ Religionis ſæculis repetitam hujus Paſchalis proceſſionis conſuetudinem , qua Auguſtiſſimus Dominicæ reſurrectionis triumphus celebratur . Eorum equidem , quos hic ſcriptor in illo ſuo libro plurima admodum eruditione , nitidaque locutione compoſito , non diſtincte ſed generatim indicat auctorum opinionem libens amplecterer , ſi eam validis ſuffultam argumentis cognoscerem . Etſi vero hunc ritum a primis Eccleſiæ ſeculis minime repetendum exiſtimem , ac tempus , quo ille primum inſtitutus fuit , exacte definire , ac ſtatuerre neſciam ; ratum tamen ,

(XLIV)

exploratumque habeo, sacræ eidem functioni plurimam inesse antiquitatem, quam metiri licet ex ætate Romani Ordinis, ubi paschaliū vesperarum peculiare officium, ut supra vidimus *cap.2.*, plene describitur.

Quæ autem hujus libri ætas? Porro si ad Sanctorum Pontificum vel Gregorii Magni vel Gelasii Primi tempora Ordo Romanus est referendus, fateatur quisque oportet, librum hunc non esse sincerum, sed postquam supremi illi Antistites ex hac mortali vita ad cælestem patriam migrarunt, interpolatum, auctum scilicet additamentis nonnullis: quod & ipse Mabillonius in admonitione ad I. Romanum Ordinem agnoscit, & admittit, exemplumque affert precationis *pro Carolo Rege* in eo Rituali libro ex veterimo codice Monasterii Sancti Galli indictæ. Nam feria *iv.* initio quadragesimæ sic ille codex habet: *Sabbato tempore Adriani institutum est, ut flecteretur pro Carolo rege: antea vero non fuit consuetudo.* Et feria *iv.* Sanctioris hebdomadæ ibidem legitur, a Pontifice *orationem pro Rege Francorum* dici. Hadrianus hujus nominis Primus, qui preces pro Carolo Magno Francorum rege instituisse narratur, Anno Christi *dcclxxii.* Romanus Pontifex est consecratus, patet igitur hac accessione interpolatum fuisse Ordinem Romanum, si ipsum temporibus vel S. Gelasii I. ad Beatri Petri cathedram anno *ccccxcii.* assumpti, vel S. Gregorii ad Christianam Rempublicam gubernan-

nandam anno dxc. electi, conscriptum reputemus. Aliud exemplum, quod etsi cum Gregorii Magni ævo conciliari posset, tamen Gelasii ætatem excludit, ea suppeditant, ut mihi videtur, Ordinis ejusdem loca, in quibus occurrunt *Defensores regionarii* ad sacra simul cum Pontifice convenientes, eidemque assistentes in Ecclesia. Hoc autem *regionario honore*, quo antea Defensores carebant, septem ex illis decorari, & in hac parte septem subdiaconis regionariis, totidemque regionariis Notariis pares quodammodo fieri, S. Gregorius Magnus constituit; ut Joannes diaconus in hujus Sancti Pontificis vita *lib. 2. cap. 20.* tradit, ac evidenter liquet ex ejusdem Gregorii *lib. 8. epist. 14. nov. edit.* ad Bonifacium data, quam Baronius ad Christi annum dxcviii. commemorat, & explicat, quamve, utpote Indictione I. signatam, ad eum annum alligat. Hoc anno (sic animadvertit sacer idem Annalista) Gregorius Defensorum officium in Urbe auxit honore, ac dignitate, ut sicut Notarii, & Subdiaconi, iidem Regionarii essent: qui enim Regionarii dignitate, & nomine augebantur, eisdem patebat aditus, ut ad sacra simul cum Pontifice convenirent, erantque omnes septenario mystico numero designati, ut sicut diaconi Regionarii septem, Notarii pariter Regionarii dicti, totidem; similiter Subdiaconi, atque Defensores totidem essent numero. Hi absente Pontifice sedebant cum Clero, præsentem vero stabant. sane
Re-

Regionariorum munerum hujusmodi tantum erat privilegium , ut assisterent Pontifici in Ecclesia: cum alioqui præter septem Diaconos Regionarios , Notarios, Subdiaconos, & Defensores item Regionarios , alii complures in Urbe, & in omni Ecclesia fuerint Diaconi , Notarii , Subdiaconi, & Defensores . Ex his plane deducitur additamenta ista Ordini Romano adsuta fuisse , si ritualis hic Liber Pontifice Sancto Gelasio Primo compilatus credatur . Si vero ad Sancti Gregorii Magni tempus revocetur , in ea sex annorum intercapedine , quæ nimirum effluxit ab anno dxcviii. quo prædicta Gregoriana epistola Bonifacio missa est, ad annum dciv. quo anima ipsius Sancti Pontificis ad Superos evolavit , compositus judicari debet .

Satis tamen superque constat, ac omnino certum est, Ordinem Romanum sæculo Ecclesiæ octavo jam fuisse vulgatum , cum eum Amalarius in libris de Divinis , sive Ecclesiasticis Officiis, & de Ordine Antiphonarii , quos haud multo post initium seculi noni edidit , sæpissime alleget, ac pluribus, longisque commentariis exponat. Quin etiam ex eodem Ordine vespertinam Paschalem functionem exhibet . Caput enim 52. prædicti sui libri de Ordine Antiphonarii sic inscribit: *De glorioso Officio , quod fit circa vespertinales terminos in Paschali hebdomada in Romana Ecclesia ; ipsiusque capitis hoc facit initium : Notum solemniter est , matrem nostram Romanam Ecclesiam*
tres

(XLVII)

tres psalmos ante hymnum Evangelii (1), & post hymnum duos per diversa altaria diversorum locorum, sapissime tamen ad Crucem & ad Fontes, ut ex scriptis discimus, quæ continent per diversos libellos ORDINEM ROMANUM. Simili modo notum est; quod in fine psalmorum versum solemus dicere ante orationem, quam solemus facere genua flectendo, sive vultum declinando in terram. Deinde explicat cur juxta Ecclesiæ Romanæ consuetudinem in diebus Paschalibus omittatur versum, & pro eo alius cantus constituatur. Et mox enarrat: In ea statione in qua Apostolicus (scilicet Romanus Pontifex) celebrat vespertinale Officium, Alleluja canitur cum omni supplemento, & excellentia versuum, & sequentiarum. In cæteris Officiis diurnalibus pro versibus canitur responsorius, Hæc dies. In vespertinali post tres psalmos canitur unum Alleluja ante hymnum Sanctæ Mariæ; post quintum unum, quæ pertinent ad Crucem, & ad Fontes. In ROMANO enim ORDINE invenitur in ipsa die Resurrectionis Domini repetitus psalmus, In exitu Israel: Hoc enim fit propter multiplicia altaria illius loci, ubi illa die statio fit: Ex luculentissimo hoc Amalarii Metensis diaconi testimonio evidenter quivis intelligit, Ordini Romano ætatem seculo octavo inferiorem assignari non posse, atque peculiarem vespertinæ paschalis supplicationis cum processu ad Crucem, & ad Sacros Fontes ritum jam eo seculo viguisse.

Sed

(1) Nempe ante Canticum Magnificat, ut supra adnotavimus.

(XLVIII)

Sed & ante id tempus morem hujusmodi fuisse inductum, verisimile admodum esse potest. Nam Sancti Gregorii Magni Sacramentarium ex codice Colonienſi a Jacobo Pamelio (1) editum in Dominica Reſurrectionis ſic habet. Ad S. Joannem (2), ad vesp̄eros. Oratio, *Concede quaſumus &c.* (3).

Ad Fontes. Oratio, *Præſta quaſumus Omnipotens Deus, ut qui Reſurrectionis Dominica ſolemnia colimus, ereptionis noſtræ ſuſcipere latitiam mereamur. Per eundem &c.*

Ad S. Andream (4). Oratio, *Præſta quaſumus, Omnipotens Deus, ut qui gratiam Dominica Reſurrectionis &c.* (5).

Hic Gregoriani Sacramentarii locus videtur, illos indicare ad ſacrum baptiſterium, & ad aliud, ſive etiam alia Sacella, aut altaria proceſſus, quos in Paſchaliū Veſperarum Officio celebrari ſolitos, ex priſcis monumentis prolixè deſcripſimus. Me quidem non latet illud, quod typis pervulgatum ex diverſis mss. codicibus a Pamelio, Angelo Rocca, ac Menardo habemus, Gregorii Magni Sacramentarium purum putum non eſſe, ſed pluribus additamentis conſper-

(1) Tom. 2. Liturg. Latin.

(2) Nempe, Prima Statiō ad S. Joannem in Lateranſi. ut explicatur in Orationale Venerab. Thomæſi cura edito, pag. 16. col. 2. Romæ 1633.

(3) Ut ſupra in notis ad caput 3. pag. xxiii.

(4) Videſis cap. 2. pag. xvi., & ſeq.

(5) Ut ſupra cap. 3. pag. xxiii.

(XLIX)

persum, ut viri docti asseruerunt, quibus utroque pollice subscribo. Attamen mihi nullum est satis certum, ac evidens argumentum, quo additamenti illis recitatum Sacramentarii locum accenseri debere palam fiat. Atque aliunde in eo libro pleraque instituti vetustioris contineri, nemo inficias iverit. Quamobrem ritum, de quo agimus, quemve sæculo octavo inferiori non esse certissime demonstravimus, ad Sancti Pontificis Gregorii Primi in sacris Ecclesiæ Officiis maxime studiosi ævum referre sane probabiliter licet.

C A P U T VII.

*Causa instituti ejusdem prisce ritus
explicatur.*

QUI ad Ecclesiæ ritus explanandos applicuerunt animum, ii non unam omnes viam iniere. Claudius de Vert e rationibus naturalibus cuncta repetit, ac propterea apud æquos rerum existimatores intemperantis critices vir audit. Alii contra in mysticis significationibus toti sunt, in sacris scilicet cæremoniis nihil omnino videntes nisi mysteria, quæ tamen aliquando sibi fingunt. Hujusmodi est illud, quod Melchior Huleamus *lib. de Missa cærimon.* excogitavit, nempe in solemni sacrificio oblati sacerdotem sexies thus adolere, quia
D ante

ante sex dies Paschæ iuit Jēsus in Bethaniam (1) : thuribulum vero circum calicem , & hostiam , scilicet bis a dextera ad sinistram , & semel a læva ad dexteram cur idem Sacerdos ducat ; hanc ipse Huleamus rationem assignat : *quia* , (Christus) *rediit Jerusalem ad ramos palmarum , & de Jerusalem rediit in Bethaniam* (2) : Quæ quidem Gavantus minutiora esse vidit , sed non *contemnenda* putat . Verum enim vero hæc ejus censura tanti non est , ut liturgica eruditione prædicti nequeant mox expositum Huleami rejicere commentum , quo nimirum is autumat prædictis Oblatorum thurificationibus ad illa Christi Domini gesta alludi . Modo certe opus est : ut cuncta naturalibus causis metiri , vitiosum , multaque ad eas referre licet ; sic alia sunt mysticis explicanda interpretationibus , quas tamen vel ritus ipsi innuant , vel Ecclesiæ preces doceant , vel Sancti Patres , aut vetusti , probatique Scriptores insinuent .

Hac regula præstituta , dubitandum non est , quin veteres in sacra illa functione vespertina , tum Domini Nostri Jesu Christi resurrectionem , tum ex ejusdem Redemptoris Divini meritis acceptam nuper in baptismo a Fidelibus regenerationis gratiam ob oculos potissimum habuerint , pioque animo recoluerint . Triumphum sane resurrectionis Christi celebrant , & fa-

(1) Joann. cap. 12. v. 1.

(2) Matt. cap. 12. v. 17.

& facillime demonstrant verba , atque sententia , antiphonæ scilicet ac responsoria , quæ in vesperarum paschalium officio ex priscis monumentis superius exhibito continentur . Singula percurrere longum esset , atque inutile ; cum res cuique officium illud legenti pateat . Quoad nuper baptizatos audire præstat Rupertum Abbatem Tuitiensem , quo iudice in *lib. 8. de Divinis Officiis cap. 2.* , peculiaris , neque aliàs usitati paschalium vespertinarum precum Ordinis causa est *solemnitas sancti baptisterii* : quia enim , ut vetus auctor iste prosequitur , vespere Sabbati Paschalis baptismi celebratum est , eadem hora in Resurrectionis Dominica , & sequentibus hebdomadæ diebus *festivam regenerationis jucunditatem retinet* . Huc sane acciri debet qui annos circiter trecentos ante Rupertum floruit Amalarius , dum Paschalis solemnitatis dies octo *lib. 1. de Eccles. Offic. cap. 33.* jure appellat *Neophytorum dies* . Eo enim octiduo illos tanquam Infantes spiritaliter mox genitos Ecclesia potissimum curabat : nempe ad sacram synaxim accersebat , in publicis precibus , quæ etiamnum adhibentur , orans ut *renatis fonte baptismatis una sit fides mentium , & pietas actionum* ; ac inter sacrificandum signanter pro ipsis ita Deum obsecrans : *Hanc oblationem servitutis nostræ , . . . quam tibi offerimus pro his quoque , quos regenerare dignatus es ex aqua , & Spiritu Sancto , tribuens eis remissionem omnium peccatorum ,*

rum, *quæsumus Domine, ut placatus accipias &c.* Neque hic stetit piæ Matris Ecclesiæ erga novam prolem sollicitudo; nam ejus opera, ac studio, qui per sacram ablutionem eruti de potestate tenebrarum, translatique in Dei lumen, & regnum fuerant, pluries ad mysticos Fontes redibant, ut ibi exultantes in Domino, beneficium adeo magnum pio, constanti, gratoque animo contemplarentur. Circa baptisterium, in quo culpas necarunt, illi Divinum Numen laudibus celebrabant sumentes exemplum, ait Durandus in *Ration. lib. 6. cap. 89. num. 10.*, populi Israelitici, qui Pharaone, & Ægyptiis submersis in mari rubro, cujus transitus fuit Sacramenti baptismatis figura, carmen illud Moysis, *Cantemus Domino*, ad litus in gratiarum actionem cecinerunt.

Cur autem stationi ad Fontes alia , quæ ad Crucem est , fere adjungatur , rationem ex Apostolo ad Rom. cap. 6. v. 3. , & seq. facile repeti posse arbitror : sic enim ibi Paulus inquit : *An ignoratis quia quicumque baptizati sumus in Christo Jesu , in morte (Græce εἰς τὴν θάνατον in mortem) ipsius baptizati sumus . Consepulti enim (& igitur) sumus cum illo per baptismum in mortem ; ut quomodo Christus resurrexit a mortuis per gloriam Patris , ita & nos in novitate vitæ ambulemus : Si enim complantati (συμψυχοὶ insititii) facti sumus similitudini mortis ejus , simul & resurrectionis erimus .* Hoc loco baptis-

(LIII)

num, Christi Domini passionem supplicio crucis consummatam, ejusque resurrectionem copulat Apostolus, cujus verborum, juxta Sanctorum Patrum intellectum, is profecto sensus est, nos per baptismum Christo commori, & sepeliri, scilicet nostra in Sancti lavacri aquas immersione Christi mortem, & sepulturam, ejus vero resurrectionem nostra ex aquis illis educatione repræsentari; quod nimirum ut Christus mortem nostram moriendo destruxit, & vitam resurgendo reparavit; ita nos per baptismum peccato morimur, & ad novam vitam insititii Christo facti resurgimus, ad instar furculi alteri plantæ insiti, ut metaphoræ, qua Paulus uti videtur, insistam: ramusculus enim arbori insitus, arbore per hyemem quasi moriente, illi commoritur, in vere autem rursus arbore quasi resurgente, simul cum ipsa resurgit. His accedit alia ratio, quam affert Durandus loco paulo ante citato, ubi ait, stationem fieri ad Crucifixum, reddique ei gratias, *quia ipse est, qui baptizat*: (ut legimus Joann. cap. i. v. 33.) *quia per Crucem, & in Cruce nacti sumus animarum nostrarum redemptionem*. Et quidem nemo, qui Catholicæ Fidei rudimentis imbutus sit, ignorare potest, cuncta, quæ per baptismum nos a Deo obtinemus commoda, & munera; omnibus nimirum peccatis & criminibus, eorumque poena solvi, justos & filios Dei adoptivos effici, atque æternæ salutis hæredes

institui, Divina gratia & nobilissimo virtutum comitatu donari, & Christo capiti sic tanquam membra connecti, ut ex eo in mystici corporis partes vis spiritalis manet, quæ nos ad Christianæ pietatis officia habiles reddit; cuncta hæc, inquam, nemo qui catholica doctrina sit institutus ignorare potest, ex virtute Passionis Christi in Crucis Ara consummatæ, per baptismum ad nos derivari. Etsi enim omnibus Sacramentis hoc commune est, ut per illa pretium ac virtus passionis Redemptoris nostri communicetur, id tamen baptismo specialiter convenit, quoniam in eo non solum peccata remittuntur, sed peccatorum etiam & scelerum poenæ a Deo benigne condonantur, ut Romani Catechismi Auctores ex Ecclesiæ traditione explicant, quorum illa quoque animadversio est, de solo baptismo Paulum dixisse, quemadmodum supra vidimus, per illud nos Christo commori ac sepeliri. Ipse insuper Apostolus ad Ephesios cap. 5. v. 25. ita scribit: *Christus dilexit Ecclesiam, & seipsum tradidit pro ea, ut illam sanctificaret lavacro aquæ in verbo vite, ut exhiberet ipse sibi gloriosam &c.* Quæ quidem sententia ut Christum passioni ultro deditum refert ad Ecclesiæ sanctificationem per sacrum baptismum, sic ea quæ præfati sumus, opportune confirmat. Denique ex veteri instituto etiam num obtinet, inter Divinas preces Paschali tempore specialem de sancta Cruce memoriam haberi:

cruce

crux enim, ut Cyrilli Alexandrini in Julianum Apostatam disputantis verbis utar, in virtutis omnis recordationem nos reducit; & per crucem a Christo deletum est nostræ damnationis chirographum, crucique affixum.

Nec mirum esse debet tantam erga Neophytos curam fuisse adhibitam ab Ecclesia, quæ pari studio eos curabat, qui erant ad sacrum regenerationis lavacrum accessuri. Istorum varios gradus, sive ordines, audientium scilicet, orantium, competentium, & electorum, non ignorat qui in veteri disciplina vel parum sit versatus. Sacros ritus callentem profecto non latent plura de baptizandis scrutinia tempore quadragesimæ fieri solita, quorum celeberrimum feria 1v. hebdomadæ 1v. quadragesimalis peragebatur, idcirco *Feria Scrutinii* per antonomasiam nuncupata, & hac die peculiaris Missa pro catechumenis mysteria Baptismi designans celebrabatur, quæ vel hodie in usu est. Integra, exactaque septem scrutiniorum disciplina luculentissime describitur in VII. Ordine Romano apud Mabillonium, & in S. Romanæ Ecclesiæ Sacramentario (quod Ven. Card. Thomasius evulgavit, & Gelasianum censet) lib. 1. num. 26., & seq., sed præcipue 29. ac seqq., itemque num. 42. Qui in baptizandis adhibebantur sacri mysticique ritus, & ex antiquissima traditione vel hodie usurpantur, erant, ac revera sunt, apparatus, quo sanctum regenerationis lavacrum

digne susciperetur . Huic sane apparatusi succedebat Sacramenti baptismatis administratio , quam pro renatis Sacro Fonte non solum Res Divina solemniter per octo dies acta , sed etiam Officium Vespertinum copiose a nobis enarratum sequebatur . En itaque germana processio- nis in Paschalibus vespers instituta causa , quam etsi aliquo modo novit , non tamen distincte , ac simpliciter deprehendit Joannes Baptista Casalius dum in libro de veteribus Christianorum ritibus *cap. 40.* ita sensit : „ Ex mystica Evan- „ gelii auctoritate , ubi , ut apud Matthæum , „ & Marcum legimus , mulieres jubentur ad „ Christi discipulos accedere , eisque nunciare „ quod eundem Redemptorem e tumulo suscita- „ tum essent in Galilæa visuri , sollemnis pro- „ cessio in die Paschatis celebratur , & lustrali „ aqua nos , & loca nostra aspergimus in ho- „ norem illius diei , quo Christus præcepit nos „ baptizari in nomine Patris , & Filii , & Spi- „ ritus Sancti „ . Ista Casalius exscripsit ex *cap. 21. lib. 7.* operis Divinorum Officiorum a Ruperto Tuitiensi abbate concinnati : sed eo in loco , uti etiam in præcedenti *capite 20.* , de processione sermo est , quæ cum aqua lustrali cunctis per annum dominicis agitur . Ideo suspicor , Casalium virum eruditissimum loco citato loqui de processu non vespertino , sed de eo , qui mane die sancto Paschatis fiebat : verumtamen hic ad pias mulieres Evangelicas referebatur ;
ille

ille vero ad eos, qui sacris undis nuper tincti fuerant, procul dubio spectabat, ut facile ex dictis in præsentī capite intelligimus.

C A P U T VIII.

*Alicubi variationem subit idem ritus,
& alibi cessat omnino.*

Mutationi subijciuntur res humanæ: & vel ipsa Ecclesiæ disciplina variationi obnoxia est, immo plura ad eandem disciplinam spectantia interciderunt. Id sane edocet materies etiam, de qua hic agitur. Mihi non est animus, nec operæ pretium videtur singulas, quas temporis progressu pervetus Ritus noster subiit, variationes recensere; nonnullas tantum indicandas arbitror. Illud nunc memineris, lector, quod ex Romanis Ordinibus, atque ex Vaticanæ Basilicæ Responsoriale, & Antiphonario cum Rituali Ecclesiæ Senensis, supra animadvertimus adeo peculiarem antiquitus fuisse precum vespertinarum Paschalium formam, ut ipsa vespertina deprecatio non a versu, *Deus in adjutorium meum intende*, sed a *Kyrie eleison* inchoaretur. Ea insuper monumenta vetera illud perspicue innuunt, quod ex quinque psalmis vesperarum dominicalium propriis tres tantum primi ante canticum *Magnificat*, & orationem, seu collectam recitarentur, reliqui autem duo,

ni.

(LVIII)

nimirum *Laudate pueri*, & , *In exitu Israel*, ad sacros Fontes, & ad sanctam Crucem, seu aliud altare canebantur: idque apertissimis etiam Amalarii *cap. 52. Ord. antiph.* verbis comprobatur. Sed a primævo hoc ritu postea descitum fuisse ostendunt Ecclesiarum Svevionensis, & Pictaviensis Rituales libri, qui, ut videre est apud Martenium de *antiq. Eccl. rit. tom. 3. lib. 4. cap. 25. edit. Antwerp.*, a versu *Deus in adjutorium meum intende*, non a *Kyrie eleison* vespertas incipi; atque consuetos quinque psalmos vespertinos diei Dominicæ recitari ante canticum *Magnificat*, & collectam, ac ante processiones, perspicue jubent. Idipsum deduci potest ex prælaudato Forjulienſi Rituali, ex citato Sacerdotali Romano, quod P. Albertus Castellanus Ecclesiæ sæculo xv. exeunte vel ineunte xvi. compilavit, & ex Rituali item Romano, quod Julius Sanctorius Card. Sanctæ Severinæ nuncupatus, adhibitis viris maxime præstantibus composuit jussu Gregorii Papæ XIII., ac postea typis editum. Insuper antiquissimus Vesperarum paschalium, ritus procedendi ad Crucem, & ad Sacros fontes, ulque ad Sabbatum in Albis usitatus, postmodum in sola Dominica Resurrectionis Christi servatus alicubi est. En jam pristini moris deformata aliquantum facies, en prima varietas, quam deinde alia subsequuta est, eaque tanta, ut in eo quod in præsentiarum superest antiqui ritus & instituti, vestigium solummodo inspicia-

(LIX)

ciatur: idque Vaticanæ Basilicæ mos recentior palam facit, quemadmodum infra explicabitur.

Coeterum antiquissima vespertinalis disciplina Paschalis hodie in pluribus Ecclesiis omnino cessavit, ac ita obsolevit, ut nullæ ejus reliquiæ appareant. Sat est unum & alterum exemplum proferre. In Ecclesia Senensi ritum hunc olim observatum vidimus supra *cap. 5.* ubi irrefragabile adduximus testimonium Ordinis Officiorum ejusdem Ecclesiæ Senensis ab Oderico Canonico jampridem lucubрати. At modo in illa ipsa Ecclesia nil prorsus remanet pervetustæ processions vespertinæ paschalis, ut me certiore fecit Clar. patricius Fabius de Vecchis ejusdem Ecclesiæ Canonicus, & Vicarius Generalis perquam solida tum pietate, tum doctrina admodum instructus. Rursus processuum vespertinorum Paschalium, quos in Lateranensi Primaria Basilica *cap. 2.* supra legimus maxima solemnitate celebratos, nullum ibi inpræsentiarum extat vestigium. Vigeat sane pervetus ritus quo tempore Card. Cencius de Sabellis electus deinde anno Christi MCCXVI. Summus Pontifex Honorius III. appellatus, Romanum Ordinem litteris mandabat: In hoc siquidem de Antistite Maximo vespertinum Dominicæ Resurrectionis officium obeunte, sic *num. 35.* loquitur. „ Descendit in Ecclesiam Lateranensem ad „ vespervas, sicut continetur in Antiphonario. „ Ce-

„ Celebratis tribus vesperis in Basilica Salvato-
 „ ris , & ad Fontes , atque ad Sanctam Crucem ,
 „ revertitur ad porticum Sancti Venantii : ibi-
 „ que sedet cum Episcopis , Cardinalibus , cæ-
 „ terisque Ordinibus &c. „ At de Sacra fun-
 ctione ad Fontes , & ad Crucem altum silen-
 tium est in posterioribus Romanis Ordinibus ,
 sive illum consulas , quem Mabillonius edidit
 tanquam a Card. Jacobo Cajetano , Bonifacii
 Papæ Octavi nepote , conscriptum , potius ta-
 men auctori alii quoad ætatem inferiori adtri-
 buendum , ut Joannes Baptista Gatticus in præ-
 fatione ad Cæremonialem Sanctæ Romanæ Ec-
 clesiæ librum , ex Bibliothecæ Vaticanæ vetusto
 Codice sign. *num.* 4737. non immerito sentit ;
 sive alium Ordinem Romanum evolvas a Petro
 Amelio Episcopo Senogallienſe , anno Christi
 MCDIV. , aut paulo ante defuncto , concinnatum ;
 sive eum verses cæremonialem librum ab Au-
 gustino Patritio Piccolomineo compilatum , seu
 alios cæremoniales codices a prædicto Gattico
 typis evulgatos . Isti autem seculum Ecclesiæ
 decimumquartum , juxta ipsius Gattici opinio-
 nem , ætate cum non præcedant , inferre hinc
 licet , eo seculo jam desiisse pervetustum mo-
 rem , quo Summi Pontifices cum Romanæ Cu-
 riæ Ordinibus cunctis antea solebant , ut supra
 vidimus , Paschales vespertinas supplicationes so-
 lemniter habere . Has fortasse per id tempus in
 Lateranenſi basilica omnino desuevisse , conjici
 po-

potest: Certe nulla peculiaris vespertina paschalis processio apud ejusdem præstantissimæ Ecclesiæ perinsignem Clerum in præsentī celebratur.

C A P U T I X.

*Causæ referuntur, ob quas vetustissimus
Ritus cessaverit.*

ABS re quidem non est occasiones, & causas scrutari, ob quas Romanus, de quo egimus, ritus a multis adoptatus Ecclesiis, decursu temporis in earum plerisque aut in parte, aut omnino obsoleverit. Plures esse opinor esse causas. Ac primo neutiquam plane dubitandum est, quin crebræ Summorum Pontificum ab Urbe Roma in alia loca secessiones, ac illa potissimum, quæ postea contigit, Avenionensis ad LXX. amplius annos protensa, effecerint, ut plures pervetusti Romanæ Ecclesiæ ritus vel variati fuerint, vel penitus in defuetudinem abierint: quod scite, ac dolenter explicat eruditissimus Petrus Morettus Sanctæ Mariæ Transtiberim Canonicus num. 13. & seqq. sect. 9. part. 2. suæ Lucubrationis de Presbyterio.

Sed & aliis, ut mihi videtur causis adtribui potest, quod vetustissimus, de quo in præmissis capitibus locuti sumus, Ritus in cunctis fere Ecclesiis, aut saltem plerisque obsoleverit:

& si

& si in Vaticana Basilica etiamnum obtinet processus paschalis vespertinus , hic antiquissimæ functionis nonnisi vestigium est , & formam induit aliam plane ab ea , qua olim celebrabatur . Rationem sane opinor statuendam in remissione ejus disciplinæ compluribus vetustis Christi seculis passim in Ecclesia saltem Latina usitatæ , quæ nimirum jubebat , Baptismi sacramentum in paschate dumtaxat , & pentecoste conferri , nisi mortis urgeret periculum . Quamquam enim disciplina ista luculentis Tertulliani lib. de baptismo *cap.* 19. aliorumque testimoniis commendetur , a Summis Pontificibus Siricio , Innocentio I. & Leone Magno acriter defensa fuerit , & ab aliis Romanis Pontificibus Gelasio I. & Gregorio II. (1) confirmata ; processu tamen temporis relaxata est . Ac primo quidem ipsa aliquantum remisit , quoad parvulos nulla ægritudine affectos . Nam Rothomagensis concilium anno Domini 1072. coactum , prædictæ legis observantiam sane præcipit circa adultos , at parvulos illos ad eam non adigit . En Canonis verba : „ Juxta Sanctorum „ Patrum decreta , scilicet Innocentii Papæ , & „ Leonis , statuimus , ne generale Baptisma nisi „ Sabbato Paschæ , & Pentecostes fiat : Hoc „ quidem servato , quod parvulis , quocumque „ tempore , quocumque die petierint regene-
 „ ra-

(1) In epistola *Clero , & plebi* inscripta , apud Baronium anno 723.

„ rationis lavacrum non negetur. Vigiliâ vel
 „ die Epiphaniæ ut nullus, nisi infirmitatis ne-
 „ cessitate baptizetur, omnino interdicimus. „

Et quidem Teophylactus, qui xi. Ecclesiæ
 seculo ad exitum inclinante Archiepiscopus Bul-
 gariæ floruit, in suo ad Lucæ *caput x.* com-
 mentario Baptismum quotidie administrari in-
 nuit Unde Martenius *lib. i. de antiquis Ecclesie*
ritibus art. i. cap. i. num. 15. deducit, constitutum
 a priscis Patribus baptismi conferendi tempus
 abrogari cœpisse eo exeunte seculo; quamquam
 alicubi diutius perstiterit, ut ex iis patet, quæ
 Conradus Liecthenaw Abbas Urspergensis ad an-
 num mcccxiv. enarrat. Hoc enim ejus ætatis chro-
 nographo teste ediscimus, quod S. Otto Episco-
 pus Bambergensis, postquam Christi Evangelio
 Pomeranos subjugavit, sacroque baptismo
 abluit, præter alia Sanctorum Patrum initu-
 ta istud quoque servare docuit, nempe, ut in-
 fantes suos in sabbato sancto Pasche, & Pente-
 costes cum candelis, & cappa, quæ dicitur vestis
 candida, & patrinis comitantibus ad baptismum
 deferant, eosque veste innocentie indutos per sin-
 gulos dies usque in octavum diem ejusdem sabbati
 ad ecclesiam deferant, & celebrationi divini Offi-
 cii interesse satagant.

Quo tempore floruit S. Thomas, seculo
 nimirum xiii., morale periculum mortis ob
 oculos habebatur in cunctis omnino parvulis,
 sive male sive bene habentibus, quæ non est
 diffi-

differendum baptisma, inquit ipse Sanctus Aquinas Doctor *Summ. Theolog. III. part. quest. 68. art. 3.*, hanc tamen dilationem adultis bene valentibus necessariam esse adfirmans cum ob alias rationes, tum ob *reverentiam Sacramenti*, dum in *solemnitatibus precipuis*, scilicet *paschæ & pentecostes homines ad baptismum admittuntur*. Rupertus abbas Tuitiensis XII. æræ Christianæ seculo clarus *lib. 4. de Div. Offic. cap. 18.* vitæ amittendæ in infantibus speciale periculum veluti causam non differendi eis communiter baptismum, jam animadverterat, licet hæc ratio antistites Concilii tum Londinensis an. MCCXXXVII. tum Wirgoniensis an. MCCXL. minime permovit ad baptizandos statim infantes, quos nisi mortis immineret periculum, sacro Fonte in Sabbatis Paschæ, & Pentecostes ablui statuerunt. Illud tandem notatu dignum est, quod de parvulis, ut illi tantummodo, qui *per octo dies ante Pascha, & per dies totidem ante Pentecosten de matrum uteris nati*, si absque periculo reservari valeant, reserventur ad illa festa baptizandi, decrevit concilium Redingense in Anglia anno MCCLXXIX. congregatum; ac de parvulis, qui alio tempore nascuntur, sic prosequitur: *Juxta vetustam consuetudinem, vel in continenti cum fuerint nati, vel postea, prout placuerit suis parentibus, baptizentur*. At præconceptum morale in infantibus discrimen mortis adeo insequentis temporibus perpensum, & grave æstimatum est,

est , ut ex ritualibus posterioris ævi libris intelligamus , baptismum pueris non esse differendum . Et quidem Sacerdotale Romanum *part. I. tract. I. cap. 7.* postquam congruum baptismatis administrandi tempus designavit sabbatum Sanctum Paschæ , & vigiliam Pentecostes , mox ita subjungit : *Sed hoc in pueris propter periculum non servatur ; secundum Gloss. in cap. Venerabilis.* Rituale autem Romanum jussu Pauli V. Summi Pontificis editum præscribit , Parochum hortari eos , ad quos ea cura pertinet , ut natos infantes baptizandos *quamprimum fieri poterit* , deferant ad Ecclesiam , ne illis sacramentum tantopere necessarium nimium differatur cum periculo salutis . Hæc de veteri , & nova disciplina circa tempus baptismi parvulis administrandi .

De adultis nunc breviter dicendum . Vetusioribus seculis multi sane erant , qui Christianæ militiæ nomen dabant , ac proinde sacro regenerationis lavacro emundabantur . De magno Ethnicorum numero ad Ecclesiam accedentium S. Augustinus *num. 22.* enarrationis in psalmum 134. sic testatur : „ Quanti fundi , quan-
 „ ta loca deserta modo veniunt ? Veniunt inde
 „ nescio quanti , credere volunt , dicimus eis ,
 „ quid vultis ? Respondent , Nosse gloriam Dei..
 „ Veniunt subito de silva , de deserto , de re-
 „ motissimis & arduis montibus ad Ecclesiam..
 „ Credunt , consecrantur , clericos sibi ordinari
 „ exigunt . „ Deinde & aliæ Gentes , quæ in

tenebris , & umbra mortis sedebant ad Jesum Christum conversæ , baptismi sacramento initiatæ sunt . Certissima id genus exempla ab Historia Ecclesiastica suppeditantur , ex quibus ea , quæ magis nota sunt , tantummodo reminiscamur . Clodoveus I. Francorum Rex a S. Remigio Episcopo Remensi baptizatus fuit , & *de ipsius regis exercitu baptizati sunt amplius quam tria millia* , inquit Gregorius Turonensis de *gest. Franc. lib. 2. cap. 31.* Fredegarius autem in epitome *cap. 21.* ait , *sex millia* , quod Hincmarus in Remigii vita sic conciliat ; *baptizantur de exercitu ejus tria millia virorum, exceptis parvulis , & mulieribus .* Anglorum Gens , S. Gregorio Magno curante , per monachos S. Augustinum , & socios mysteriis Christianæ religionis imbuta est , atque Anglorum decem millia , ut prælaudatus Gregorius Pont. Max. *lib. 7. epist. 30. Vet. edit.* ad S. Eulogium Alexandrinum Episcopum data , enarrat , sacris undis tincta sunt cum eorum rege Edilbertho , qui Cantio dominabatur , primo ex septem regnis , in quæ tunc Britannia , seu Anglia divisa erat . Seculo VIII. Sanctus Bonifacius in Germania complures Frisiorum , Cattorumque millia ex idolorum cultu ad Christi Fidem convertit , & sancto baptismate purgavit . Credere profecto fas est , imo debemus , Ethnicis Evangelicam Fidem amplexatis baptismum juxta vetustissimam cum Romanæ Ecclesiæ , tum aliarum fere omnium Ecclesi-

sia-

siarum Occidentalium disciplinam in Sabbato vel
 Paschæ, vel Pentecostes administratum fuisse.
 At Episcopi rationabilibus causis permoti sacram
 istam functionem aut anticipandam, aut ad aliud
 tempus differendam aliquando existimaverunt. Et
 sane Francorum Regem Clodoveum a S. Remi-
 gio baptizatum fuisse non in Paschali Sabbato,
 sed in solemnitate Natalis Domini Nostri Jesu
 Christi, ex Aviti Episcopi Viennensis epistola ad
 eundem Clodoveum scripta Pagius ad annum
 CDXCIX. num. 9. ostendit: Et ea decem millia
 Anglorum, quæ paulo ante memoravimus, sa-
 cræ regenerationis lavacrum, in *solemnitate Do-
 minica Nativitatis accepisse*, prædicta S. Grego-
 rii epistola ad Eulogium, perspicue tradit. Sed &
 illud ad rem nostram præsertim observandum,
 quod insequentis seculis postquam Fidelium nu-
 mero Christiana Religio maxime amplificata
 fuit, in Ecclesiis bene constitutis rari invenie-
 bantur ethnici idolorum cultores, aut Mahu-
 metani, iidemque rariores, qui ad amplecten-
 dam Evangelii Fidem accedebant, quod de Ju-
 dæis in omni fere Orbis parte dispersis eo ma-
 gis verum est, quo major est eorum perfidia,
 & in Christum Jesum majori odio sunt perciti.
 Raro itaque ætate adultis baptisma confereba-
 tur per illud tempus in prædictis Ecclesiis.
 Immo etfi Canones & Rituales libri ad eundem
 adultos sacris lustralibus aquis abluendos, nisi
 mortis periculum immineat, Sabbatum Paschæ

(LXVIII)

& vigiliam Pentecostes designaverint , nihilo-
minus anno MDXX. cum ethnicus vir prænobi-
lis Afer , qui carcere detinebatur Romæ in
mole Hadriana sacro Fonte initiandus foret ; re-
servavimus , ait Paris de Grassis apud Raynal-
dum eo anno num. 91. *in hac die Epiphania baptis-
mum , ut si Papa vellet ipsemet facere , faciat .
prout fecit ea ipsa die Epiphania .*

Sed Ordo Divini Officii in Cathedrali Ec-
clesia Papali Lateranensi peragendi , inter Sab-
bati Sancti functiones sacras enunciat Baptismi,
& Confirmationis Sacramenta Infidelibus admi-
nistranda , & reapse hujusmodi ministratio fere
eo die fit ; ac si aliquando omittitur , id con-
tingit , quia præsto nullus est vel adultus cate-
chumenus , vel infans sacris undis tingendus .
Quamobrem multum laudanda est Basilica Late-
ranensis ritum hæcenus custodiens vetustissimum ,
qui etsi modo in aliis Urbis Ecclesiis Patriar-
chalibus ac Titularibus minime , quod sciam ,
servetur ; olim tamen in eis sacris ædibus pro-
cul dubio obtinebat , & ex Romanis Ordinibus ,
Benedicti num. 43. & 45. ac Cencii Camerarii
num 30. & 33. non obscure deducitur . Jam ve-
ro ea , quæ in Romana Ecclesia antiquitus re-
tinebatur , infantes nimirum , & adultos in Sab-
batis Paschæ , & Pentecostes baptizandi disci-
plina progressu sane temporis pene prorsus ob-
soleta ; mirum videri non debet si in desuetudi-
nem abierit pervetus vespertina Paschalis pro-
ces-

(LXIX)

cessio, quæ plurimum, ut cap. VII. supra exposuimus ad neophytos pertinebat, ac referebatur: & hanc fortassis rationem perantiqua supplicatio e sacrarum processionum censu, Pont. Paulo V. ut mox observabimus, deleta fuit.

Aliam denique causam, cur sacer iste processus, qui in aliquibus Ecclesiis ante Ritualis Romani editionem iubente Pont. Paulo V. evulgatam obtinebat, hoc promulgato libro, ab illis est omnino derelictus, excogitare licet, atque ex eo repetere, quod in ipso Rituali Romano multæ quidem sacræ processiones describuntur, altum vero silentium habetur de nostro Paschali processu vespertino, quem tamen Sacerdotale Romanum, ac Rituale Cardinalis Sanctæ Severinæ disertissime exhibuerant, ac designaverant.

C A P U T X.

*Quæ apud Vaticanæ Basilicæ Clerum nunc habetur
Processio Vespertina Paschalis, vetustissimi
Ritus hætenus descripti umbra est, ac
vestigium, & pars superstes.*

LEctorem hic oportet suam in memoriam redigere ea præsertim, quæ hujus opusculi caput III. exhibet, & in capite IV. explican-

cantur. Ibi enim egregium seculi XII. affertur monumentum, Responsoriale scilicet, & Antiphonarium ad usum Canonicorum Vaticanæ Basilicæ, ex quo luculenter constat, ab iisdem in Dominica Paschali Resurrectionis Jesu Christi solemniter vespas cum processionibus ad altare beati Petri, ad Sanctam Crucem, & ad Sacrum baptisterium fuisse celebratas. Sed postea hoc perverus institutum apud ipsam Vaticanam S. Petri basilicam usque adeo variatum est, ut perantiquæ illius disciplinæ nonnisi vestigium, & umbra sit, qui nunc a Vaticano Clero habetur processus vespertinus Paschalis.

Quo autem tempore immutatio hujus vetusti Ritus apud eundem Clerum contigerit, certo definire non ausim: crediderim tamen id tunc factum esse, cum jam remissa fuit vetustissima baptismi in Sabbatis Paschæ, & Pentecostes generaliter conferendi disciplina, ut proximo cap. IX. vidimus.

Illud certe exploratum, in Vaticana basilica ætate quoque posteriori processionem solemnem in Paschate Resurrectionis fieri consuevisse. Aliqui enim Censuales libri veteres, in tabulario capitulari Vaticano adservati, denarios notant in sacra illa functione expensos. In Demetrij de Guasellis, qui Pontifice Sixto IV. inter Beneficiatos Vaticanæ Basilicæ adnumerabatur, MS. codice. *sign. lit. A. fol. 84.* sic legimus:

mus: *Pro tribus, qui portaverunt umbellam* (1), *Sonichium* (2) & *Crucem in processione Paschæ Resurrectionis*, *bol.* (3) *decem. Datum Romæ in domo nostræ residentie die 18. Maii 1489.* Similiter *Ms. Censuale anni MCDXC. pag 41. in hunc modum habet: In festo Paschæ Resurrectionis, pro tribus qui portaverunt umbellam, sonichium & Crucem in processione in die Paschæ, bol v.* Perinde est quod alterum *Ms. Censuale anni MDI pag 82. enunciat, scilicet: Pro delatura & labore sinnichi, Crucis, & Campanellæ* (4) *portatis in processione die Paschatis, bol.v.*

E 4

Se

(1) Ni fallor, Umbella hic designat papilionem tentorii genus, vulgo *Padiglione*, ad Clericos à pluvia, & ab æstu, cum in supplicationibus iter faciebant, tuendos primitus institutum.

(2) Novo *Sonichii* vocabulo notari, ac intelligi hic videtur *Campanula*, seu tintinnabulum portatile veluti turri infixum, & jugiter, Clero procedente, pulsari consuetum, ac propterea a sono, quem edebat, *Sonichium* verisimiliter appellatum.

(3) Nimirum *bolendinos*, haud magni pretii monetæ genus in chartis infimi ævi sæpenumero commemoratum. Prædictus *Demetius pag. 86. hæc litteris mandavit: Die 21. Julii dedi Domino Petro socio de Cora pro solvendo his, qui cantant Missam, & festo faciendo in ecclesia nostra S. Maria Magdalena (nunc S. Lazari nuncupata, extra portam Angelicam) florenum unum rannen. qui sunt bol. 67. ÷ de carlenis.*

(4) Hoc in loco, ut reor, *Campanella* tintinnabulum paulo ante dictum significat; Papilio autem indicatur nomine *Sinnichii* alias *Xinichii*, ut legitur in Relatione Translationis Corporis S. Gregorii Nazianzeni e templo monialium Campi Martii ad Vaticanam Basilicam anno Dom. 1580. peractæ, ac in Clementis Papæ VIII. litteris a Clar. Petro Moretto num. 13. appen. 3. ad Lucubrat. de Presbyterio allatis.

Seculo xvi. concinnatum puto basilicæ Vaticanæ Cœremoniale , cujus apographum plurimis mendis scatens extat in bibliotheca Casanatensi . Hoc quidem Cœremoniale formam processus Paschalis Vespertini , qualis , immutata pervetusti ritus facie , a Clero Vaticano celebrari eodem seculo xvi. solebat , verbis exprimit hujusmodi : „ Accessus ad vespervas nun-
 „ quam fieri debet processionali ritu (1) cum
 „ delatione Crucis , præterquam in die Sancti
 „ Paschatis , in quo consuetudo est in nostra
 „ basilica , ut post datum signum ad vespervas a
 „ nostro Sacratio processionali ritu exeat Cle-
 „ rus cum papilione extenso , tintinnabulo , &
 „ Cruce , & Cantoribus , & celebrante cum
 „ assistentibus indutis pluvialibus . Processio fit
 „ ordine jam præscripto : protenditur ulque ad
 „ extra porticum , & redeundo ingreditur Ec-
 „ clesiam per portam mediam , & acceditur ad
 „ altare medium Apostolorum , ante quod facta
 „ genuflexione , & clero diviso in duas alas
 „ hinc inde , celebrans consuetam dicit oratio-
 „ nem , & acceditur ad chorum pro cantandis
 „ vespervis .

In

(1) Secus tamen postea factum est : nam anno mdcxl. Franciscus Card. Barberinus Vaticanæ Basilicæ Archipresbyter mandavit , ut deinceps in Missis & Vespervis canonicalibus deferretur Crux cum duobus candelabris , quam Canonici , Beneficiati , & Clerici suo ordine cum celebrantibus religiose prosequerentur , e Sacratio exeuntes , atque accedentes ad Chorum , sive ad Ecclesiam ubi Missas , & Vespervas hujusmodi celebrari contingeret .

(LXXIII)

In libellis profecto Ordinem Divini Officii a Basilicæ Vaticanæ Clero servandum continentibus, processio ab eodem Clero ante preces vespertinas Dominicæ Resurrectionis haberi solita anno 1614. adnotari primum incepit, ut equidem cognovi, libellos ipsos diligenter consulens, quorum series ab Ecclesiæ sæculo xvi. ad exitum vergente sumit initium, & in prædictæ basilicæ tabulario custoditur. Sed in eodem archivo diarium adservatur memoratam processionem describens anno 1608., qualis hodie quotannis agitur. Insuper Michael Angelus Matthæjus generis nobilitate affatim præclarus, albo Canonorum Vaticanæ Basilicæ anno 1652. adscriptus, ejusdem Basilicæ consuetudines in codicem collegit, Matthæi Cæremoniale appellatum, quod Ms. in Capitulari extat archivo: ac inter eas consuetudines ritum nostrum *cap. 12.* sic recenset. „ Ante vesperas fit processio extra „ Ecclesiæ valvas. Celebrans Canonicus pluviali „ indutus infundet incensum in thuribulum, „ ministrantibus duobus ex Beneficiatis, pariter „ pluvialibus indutis. Thuribulum deferendum „ juxta morem ab acolytho ante crucem, quam „ sequuntur cantores cantantes antiphonas &c. „ deinde Clerus per ordinem, ultimus Canonici „ hebdomadarius medius inter duos Beneficiatos paratos, progrediuntur. Ecclesiam „ egressis, & ad Sanctorum Apostolorum altare „ reversis, Canonicus hebdomadarius prope in „ finem

(LXXIV)

„ fimum altaris gradum una cum aliis sex pa-
„ ratis aſtet. Canonici penes celebrantem quaſi
„ circulum formant, nec ſecus agant Benefi-
„ ciati. Duo Beneficiati parati expleto cantu,
„ concinant verſiculum, *Surrexit Dominus &c.*
„ eiſque cantores reſpondeant: deinde Canoni-
„ cus hebdomadarius canat hujus Dominicæ diei
„ orationem; eaque expleta, & omnibus in cho-
„ ro conſalutatis cantantur ſolemniter veſperæ,
„ poſt quas habebitur concio. „

Quamquam hæc poſterioris ævi, atque ho-
dierna conſuetudo Vaticana plurimum ab an-
tiquiſſimo ritu differat, ab eodem tamen origi-
nem ducere, mihi probabiliter quidem videtur;
non enim in ritualibus ad uſum Cleri Vaticani
libris cum antiquioris, tum recentioris ætatis
alii Sacri proceſſus in Dominica Reſurrecti-
onis apparent niſi veſpertini, ut videre eſt in hujus
opusculi *cap. 3. & 4.*, ac in præſenti 10. Propte-
rea Vaticanæ baſilicæ Clerus, recenti proceſſu
veſpertino paſchali abſoluto, ante S. Petri Al-
tare princeps conſiſtit, illic brevem ſtationem
agens donec paucæ quædam preces, divinæque
laudes concinantur. Facile autem quivis cogno-
ſcet ſacram hanc functionem veſtigium eſſe par-
temque ſuperſtitem antiquiſſimi veſperarum Pa-
ſchalium ritus, quo a baſilicæ Vaticanæ Cano-
nicis, ut recitatum *cap. 3.* Vaticanum Reſponſo-
riale indicat, prima proceſſio ad altare S. Pe-
tri, ibique prima ſtatio celebrabatur.

His

His equidem Basilicæ Vaticanæ documentis eruditus suffragari nequeo eorum sententiæ, qui judicant processione Vespertina Paschali a Vaticanæ Basilicæ Clero fieri solita sanctas Mulieres valde mane, ut Evangelica narrat historia, ad Christi Domini sepulchrum iter facientes repræsentari. Ita profecto censet Alexander Mazzinellius, dum in piis eruditisque ad Hebdomadæ Sanctioris Officium Observationibus pag. 522. edit. Rom. Salviani typis an. MDCCXLII. animadvertit in hunc plane modum. „ Col pio „ costume introdotto, e per molto tempo ritenuto dal Clero delle più grandi Basiliche di „ andar loro processionalmente intorno dopo le „ ore notturne, e di buon mattino, cantando „ l'Antifona: *Surrexit Christus* ovvero *Dicite Discipulis*, o altra conveniente, ha inteso la Santa „ Madre Chiesa di rappresentare a suoi figliuoli „ il divoto viaggio delle Sante Donne al sepolcro, „ ed eccitare in loro i medesimi sentimenti di „ tenerezza, e di amore verso Gesù Cristo risorto. Si osserva ancora oggidì questo Rito in alcune Chiese, ma specialmente nella sempre grande augusta Basilica di S. Pietro di Roma, tenace conservatrice delle più antiche costumanze. Questa Processione chiamata delle Sante Donne, o delle Marie, si fa con solennità dal Clero prima di Vespro, per l'impedimento di altre sagre funzioni nel mattino; si canta l'Antifona: *Regina Cæli*: e da un'Accolito, che pre-

„ ce-

(LXXVI)

„ cede alla Croce , si asperge coll' acqua bene-
„ detta il Popolo , e la strada in onore di un sì
„ gran giorno , in cui tutte le cose si benedico-
„ no ; e per significare , secondo il senso di gravi
„ Autori , la purità , e mondezza interiore ri-
„ cevuta nell' acque del S. Battesimo ; si termina
„ poi all' Altare della Confessione de' SS. Apostoli ,
„ coll' Orazione,, *Deus qui per Resurrectionem &c.*
Me non latet apud plures Ecclesias morem fuisse
inductum , & observatum , ut valde mane in Do-
minica Resurrectionis Christi , memorandi gratia
sanctas Mulieres ad ejusdem Redemptoris Nostri
monumentum cum aromatibus proficiscentes , so-
lemnis supplicatio , seu processio celebraretur .
Hanc quippe Antonius Bellorte , in Opere de Ec-
clesiæ Laudonensis Ritibus *part. 5. cap. 13. & obser-*
vatione 124. pag. 813. ubi matutinam ipsam sanctam
functionem apud Græcos , & apud Latinos cele-
brem , atque a Codino Curopalata *lib. de Offi Ma-*
gna Ecclesiæ & Aula Constantinopolitana descriptam
illustrat , alii que meminerunt .

At processum sacrum Vespertinum Vatica-
num existimo plane alium ac diversum esse ab
illa processione matutina , quæ in sæpe lauda-
to Sacerdotale Romanæ Ecclesiæ , aliarumque
Ecclesiarum *fol. 252. & seqq. edit. Vener. 1569.* sic
describitur „ Duo diaconi parentur cum dalma-
„ tics albis , & in Ecclesia remaneant . Sacer-
„ dos autem paratus cum toto Clero exeat
„ per portam ecclesiæ minorem , majori por-
„ ta

(LXXVII)

„ ta clausa relicta : & veniant ad portam ma-
„ jorem Ecclesiæ cantando responsum : *Quum*
„ *transisset sabbatum, Maria Magdalene, & Ma-*
„ *ria Jacobi, & Salome emerunt aromata, ut*
„ *venientes ungerent Jesum. Alleluja. V. Et val-*
„ *de mane una sabbatorum veniunt ad monumen-*
„ *tum orto jam Sole, Ut venientes &c. V. Glo-*
„ *ria Patri &c.* Et cum illuc pervenerint, Sa-
„ cerdos accedit ad portam clausam, & Cle-
„ rus circumstat eum. Et dum pervenerint ad
„ fores Ecclesiæ completo responso cum ver-
„ su, & replica ; plebanus vel Sacerdos para-
„ tus pulsat ad ostium manu, vel cum Cruce,
„ dicens sonora voce in tono lectionis : *Attollite*
„ *portas, principes, vestras : & elevamini portæ*
„ *aternales.* Et pro ista prima pullatione, illi
„ deintus nihil respondent. Et facto modico
„ intervallo, sacerdos iterum vehementius pul-
„ sat ostium dicens voce altiori in tono le-
„ ctionis : *Attollite portas, principes, vestras, &*
„ *elevamini portæ aternales &c.* Et illi deintus
„ nihil respondent. Et tunc Sacerdos modico
„ intervallo facto, iterum in eodem tono, sed
„ altius quam secundo pulsans fortiter ostium
„ Ecclesiæ dicit : *Attollite portas principes.* Tunc
„ illi diaconi deintus statim cantando respon-
„ dent. *Quem queritis in sepulcro, Christicolæ.*
„ Et illi deforis respondent : *Jesum Nazarenum*
„ *crucifixum o calicolæ.* Et iterum illi deintus
„ respondent : *Non est hic, surrexit, sicut præ-*
„ di-

(LXXVIII)

„ *dixerat : ite nunciate , quia surrexit a mortuis .*
„ *Hoc finito , qui deintus sunt aperiant por-*
„ *tam ecclesiæ , & omnes ingrediantur . Et ite-*
„ *rum dicant qui deintus erant . Venite , & vi-*
„ *dete locum , ubi positus erat Dominus . Alleluja ,*
„ *alleluja .* Et cum fuerint portam ingressi , fir-
„ *ment se omnes : & dividant se per choros .*
„ *Tunc plebanus vadat ad sepulchrum : & po-*
„ *nat caput in fenestra sepulchri , & postea*
„ *conversus ad populum dicat voce mediocri :*
„ *Surrexit Christus .* Chorus respondeat : *Deo*
„ *gratias , .* Cætera perlegi possunt in eodem
Sacerdotale , quod piæ functioni descriptæ mox
subjungit „ : *His finitis revertantur ad chorum ,*
& cantent matutinas .

Jam vero si hujus processionis forma con-
feratur cum Vaticana processione vespertina ,
magnum inter utramque discrimen intercede-
re , nihilque uni cum altera esse commune , qui-
vis facillime deprehendet . Præterea ipsam
matutinæ supplicationis formam mox exhibi-
tam , in Romanis Ordinibus nemo unus repe-
riet ; quin imo Vaticanæ Basilicæ rituales , quos
vidi , Codices , sive pluries citatum Responso-
riale , & Antiphonarium , sive paulo ante in
hoc capite allegati cæremoniales libri consu-
lantur , nullam in Resurrectionis Dominica
processionem matutinam designant , sed ves-
pertinam tantummodo præscribunt . Hæc sunt
argumenta , quæ me in Mazzinelli pii , do-
cti-

etique ceteroquin viri , & aliorum hac de re idem cum eo opinantium , sententiam ire non sinunt .

C A P U T X I.

*Objectionibus nonnullis occurritur . Quo spectat
recens Processio Vaticana : quæ in ea sunt
religioso animo volvenda .*

PRæsentio tacitus , neque incuriosus dissimulo argumenta , quæ adversus conjecturam in præcedenti cap. x. explicatam plures facile objicient . Qui fieri potest , dicent illi , ut hodierna Paschalis vespertina processio Vaticana vestigium sit antiquissimi ritus cap. 2. & 3. expositi , & ex eo originem ducat ? Hunc inter & illam magna sane differentia cuique patet . Is enim ritus Paschales vespertas cum processionibus ad diversa Altaria certe ad Sanctam Crucem , atque ad Sacrum Baptisterium , & cum peculiaribus Antiphonis versibus responsoriis precibus & sequentiis seu prois , celebrari mandabat . Hæc autem a sacra devexioris , nostrique ævi supplicatione longe absunt . At proclive est difficultatem istam solvere , si ea , quæ in capp. 7. & 9. prædicta sunt , huc revocentur : nimirum vetustissimus , ac peculiaris ille vesperrarum Paschalium ritus in neophytorum gratiam ,

tiam , qui proximo Sabbato sacramentum Baptismi susceperunt , institutus fuit , & idcirco ad Sanctam Crucem , atque ad Sacros Fontes habebantur processiones cum religiosis precationibus , Divinarumque laudum concentu . Cum vero disciplina administrandi generaliter sacramentum illud in Sabbatis Paschæ , & Pentecostes progressu temporis fere desierit ; mirari nemo debet , si ea pervetusti ritus pars , quæ ad neophytos pertinebat , postmodum omiſſa fuerit : ideoque recens processio vespertina Paschalis Vaticana ab ea quæ antiquitus celebrari consueverat , longe distare videatur . Grande equidem discrimen inter utramque agnosco , simulque fateor . Negandum tamen non est , pervetusti moris esse vestigium , seu reliquias eam processionem , quæ a Clero Vaticano vel inpræsentiarum servatur .

Aliud etiam non abs re lubet hic adnotare . Extant modo sacræ complures cæremoniæ , profecto vetustissimæ , sed a primævo earum instituto sic digressæ , ut ipsarum origo nonnisi priscorum monumentorum ope investigetur , ac deprehendatur . Unum , & alterum innuere exemplum juvat . En prius : Facies ritus , quo olim in Vaticana basilica presbyterium die 25. mensis Aprilis annum præstabatur , postmodum sic variata est , ut in ea , quæ inferiori ævo inducta nunc obtinet , ejusdem præstationis forma *reliqui esse quidpiam antiqui usus* vix di-

dignosci queat , ait optimus hujusce rei judex, nempe aliàs laudatus Morettus in sua de ritu dandi Presbyterii lucubratione *par.2.sect.5.num.13.* Novam tamen consuetudinem vestigium esse perveteris instituti , nullus plane inficias iverit. Posterius exemplum esto hujusmodi . Stolum , quam vocant latiore , & vulgo *stolone* , certis quibusdam temporibus ac diebus assumit & induit diaconus sacro suo munere perfuncturus . Hoc indumenti genus ævo quidem recenti inventum , etsi nullam casulæ formam præseferat , nihilominus ab ea originem ducit . Id enim certum exploratumque infertur ex *num. 54.* Romani Ordinis *xiv.* apud Mabillonium , & ex Cæremoniali codice Vaticano *sign. 4731.* apud supra memoratum Joannem Baptistam Gatticum *pag.180.* , ubi sic legimus . „ Diaconus instan- „ te hora , quando pergere debet ad legendum „ Evangelium deponat Planetam , & Acolythi „ decenter eam complicant , & imponant su- „ per sinistrum humerum ejus , ac sub dexte- „ ro brachio ligent eam , ut melius poterunt , „ ita quod ab humero sinistro descendat ad „ latus dexterum , sicut Diaconalis stola de- „ scendit , & hoc modo Diaconus Planetam „ teneat dum legit Evangelium , & usquequo „ dicatur ultima Oratio post Communionem „ , Quæ sane origo etiam ex Missali Romano *rubric. part. 1. tit. 19.* non obscure intelligitur . Haud secus Vaticana inferioris , ac præsentis

ævi processio vespertina Paschalis ab antiquissimo ritu descendere conjicitur, licet ipse ritus formam exuerit.

Porro quod in Romano Rituali Card. Sanctæ Severinæ superius laudato, processio paschalis, quam ille innuit fieri ante vespervas secundum consuetudinem alicubi receptam, distinguatur ac secernatur a sacris processibus juxta vetustissimum ritum ad Crucem, & ad Baptisterii Fontem habitis; conjecturæ a me propositæ non officit. Distinctionem quippe video & admitto, sed eam ipsam processionem antevespertinam esse antiquissimi ritus vespervarum paschalium proprii, nunc plerisque in Ecclesiis prorsus obsoleti, partem perexiguam superstitem, seu vestigium opinor.

Quo autem recens hic Vaticani Cleri sacer processus spectet, paucis nunc adnotandum. Veteres, ut præsentis opusculi *cap. 7* animadvertitur, in antiquissima illa functione vespertina cum processionibus, stationibusque ad Sanctam Crucem, & ad Sacrum baptisterium celebrata, tum redivivi Christi Domini gloriosissimum triumphum, tum ex ejusdem Redemptoris Divini meritis acceptam nuper in baptismo a Fidelibus Regenerationis gratiam, ob oculos habuere, pioque animo coluerunt. Sed processus sacer posteriori ætate inductus, si per se consideretur, Christi Jesu resurrectionem potissimum, & quasi unice respicit. Nam inter pro-

(LXXXIII)

procedendum cantores notam illam sæpe reperiunt antiphonam, *Regina cali latere &c*, qua Deiparæ de redivivo ejus Filio Salvatore Nostro gratulamur; quamve in functione vespertina paschali recitari video apud Sacerdotale Romanum fol. 256. apud Ordinem Officiorum Ecclesiæ Senensis a clar. Trombellio evulgatum pag. 186. & apud alia Ritualia. Cum Vaticanus Clerus e processione reversus, stat coram principe Basilicæ Altare, cui subest Sacra Beatissimi Petri Confessio, sub qua ejusdem Apostolorum coryphæi venerabile corpus quiescit; canitur versus, *Surrexit Dominus vere, alleluja*, cum resp. *Et apparuit Simoni*: canticum quidem & loco & solemni festo conveniens. Verba enim illa extant apud S. Lucam cap. 24. v. 34. unde constat, quod Christus Dominus in ipsa suæ resurrectionis die sese Beato Petro Apostolo revelavit, ejus dolorem, ut facile est credere solatus, ac suam exhibens præsentiam, tamquam concessæ veniæ argumentum, & pignus. Sacra demum functio absolvitur ea precatione, quæ die Dominica Resurrectionis Christi per horas canonicas recitatur, & qua ipse Noster Divinus Redemptor æternitatis nobis aditum devicta morte relesasse commemoratur.

Et quamvis præcipuum hujusce processio-
nis objectum, ut cap. 9. dicebam, evangelica-
rum mulierum iter ad Christi sepulcrum non
esse videatur; sic tamen pium illud earumdem

iter animo recte possumus recolare , ut ipsas , quæ cum aromatibus ad monumentum venerunt , imitemur , nec aliter , quam cum virtutum odoramentis , hoc est firmæ Fidei , certæ spei , ac sinceræ charitatis operibus accedamus ad Dominum . Quid tandem ? Christus juxta Apostolum ad Rom. cap. 4. v. 25. *surrexit propter justificationem nostram* , ac teste eodem Apostolo , *reformabit corpus humilitatis nostræ configuratum corpori claritatis suæ* , cum ut ipse S. Paulus 1. ad Cor. cap. 15. v. 53. , ait , *corruptibile hoc induerit incorruptionem , & mortale hoc induerit immortalitatem* ; quod ex vi , & singulari beneficio resurrectionis Christi nobis obventurum confidimus . Hæc quoad recentem Ritus paschalis vespertinæ processions Vaticanæ .

Jam vero si processus idem sacer inspiciatur quoad ejus originem cap. præcedenti designatam , aliud etiam pio animo versare possumus . Cum enim , ut supra cap. 7. vidimus , Paschaliū vesperarum antiquissimus ritus eos , qui proximo sabbato sancto baptizati fuerant , magna ex parte respiceret ; quid prohibet , ne eorum singuli , qui hodiernæ processioni a more vetustissimo quidem dissonæ , sed ab ipso , ut censeo , derivatæ intersunt , sanctæ regenerationis gratiam per baptismi Sacramentum , Deo miserante acceptam gratâ memoriâ recolant , ac perpendant , num in iis , quæ per paternos sponponderunt , cum baptismo initiati sunt , fidem
fer-

servent? Quid, inquam, prohibet, hæc solidæ pietatis officia a viro Christiano exerceri? Quin imo id est permaxime congruum. Profecto veterum auctoritate mos iste commendatur, ut præter alios Scriptores videre est apud Josephum Vicecomitem *de Ritib baptisni lib. 5. cap. 52* & apud Ducangium in Glossario ad verb. *Pascha annotinum*; quod Micrologus *de Ecclesiast. observation. cap. 56.* sic explicat: *Romani annotinum Pascha, quasi anniversarium Pascha dicunt; quia antiquitus apud illos, qui in priori Pascha baptizati erant, in sequenti anno, eadem die ad Ecclesiam convenere, suæque regenerationis anniversarium diem cum oblationibus solemniter celebraverunt.* Et sane Missa de *Pascha annotina* extat *lib. 1. num. 54.* Sacramentarii a Ven. Card. Thomasio evulgati, ac S. Gelasio Pont. Romano attributi, cujus Missæ preces, utpote religionem summam redolentes, ac proinde perlegi dignas huc referre existimavi. „ Deus, per cujus pro-

„ videntiam nec præteritorum momenta de-

„ ficiunt, nec ulla superest expectatio futuro-

„ rum, tribue permanentem peractæ, quam

„ recolimus, solemnitatis effectum; ut quod

„ recordatione percurrimus, semper in opere

„ teneamus. Per &c.

„ Deus qui renatis fonte Baptismatis deli-

„ ctorum indulgentiam tribuisti: præsta miseri-

„ cors, ut recolentibus hujus nativitatæ insi-

„ gnia, plenam adoptionis gratiam largiaris. Per.

St-

Secreta .

„ Clementiam tuam Domine suppliciter
„ exoramus ; ut Paschalis muneris Sacramen-
„ tum , quod fide recolimus , & spe desidera-
„ mus intenti , perpetua dilectione capiamus .
„ Per Dominum .

„ Vere dignum &c. Per Christum Domi-
„ num Nostrium Redemptionis nostræ festa reco-
„ lere , quibus humana substantia vinculis præ-
„ varicationis exuta , spem resurrectionis per
„ renovatam originis dignitatem (assumpsit) ,
„ Per quem maiestatem .

Infra actionem .

„ Hanc igitur oblationem famulorum , fa-
„ mularumque tuarum , quam tibi offerunt ;
„ annua recolentes mysteria , quibus eos tuis
„ adoptasti regalibus institutis : quæsumus Do-
„ mine placatus intende : Pro quibus suppli-
„ cis (*) preces effundimus ; ut in eis & conlata
„ custodias ; & ut promissæ beatitudinis præ-
„ mia largiaris : diesque nostros .

Post Communionem :

„ Tua nos , quæsumus Domine , quæ sumpsi-
„ mus , sancta purificent ; & operationis suæ
„ re-

(*) Sic in Vener. Card. Thomasi editione . Fortassis legendum ,
Supplicibus ; aut *Supplices* , E pro I , duarum namque harum li-
terarum promiscuus usus in codicibus sæpissime occurrit : & in
vulgatæ editionis Latinæ psalmo XII. vers. I. legimus , *Avertis pro*
Avertes in futuro sicuti est in Hebræo textu & Græco .

(LXXXVII)

„ remedio , nos perficiant esse purgatos (al. pla-
„ catos) . Per Dominum .

Enarratam majorum nostrorum pietatem insignis Archiepiscopus Mediolanensis S. Carolus Borromæus animadvertens , in sua vi. Synodo cap. 8. parochum & confessorium admonet, ut ipsi cohortationis officio in id incumbant , quo Fidelium unusquisque diem suum baptismatis singulis annis pie recolat , ac eo potissimum die sanctè sese excitet ad præclaram illam sponsonem , & Christianam professionem quam in sacro lavacro per sponsores solemniter edidit ; ac tale monitum Sanctus idem Carolus confirmat verbis Sancti Ambrosii , ita baptizatum alloquentis . *Repete quid interrogatus sis . recognosce quid responderis . Renuntiasti diabolo , & operibus ejus : mundo , & luxuria ejus , ac voluptatibus : memor esto sermonis tui , & numquam tibi excidat tue series cautionis .*

F I N I S .

VA1 1528829

82

K

51

